



文粹卷第十七之下

古調十二摠五十六首

月生句 劉猛

把酒問月 李白

吳興姚

鉉

纂

月蝕詩 盧仝

明酒篇 宋之問

賀雨詩 白居易

洛陽清明日雨霽 李正封

詠露 李正封

小雪 釋皎然

秋風引 劉禹錫

竹窻聞風寄苗發司空曙 李益

觀海 獨孤及

西陵口觀海 薛據

題玉潭 獨孤及

及第後過揚子江 施肩吾

青漢水辭 李善夷

迎潮送潮辭二首 陸龜蒙

引泉詩 陸龜蒙

賦得三峽流泉歌 李季蘭

明冰篇 富嘉謨

寘 殿前曲 王昌齡

西施篇 王維

三閨辭四首 劉禹錫

霓裳羽衣曲 李肱

神仙 遊仙詩十六首 道士吳筠

上元夫人詩 李白

王子喬

宋之問

玉真仙人辭

李白

夢太白峯西

常建

苦筮調笑引

李賀

少室山韋鍊師昇仙歌

皇甫冉

宿青牛谷梁鍊師仙居

楊衡

玄都壇歌

杜甫

寄全椒山中道士

韋應物

洗心

道士司馬退之

齋心

王昌齡

寄葛蒲

張籍

金璫玉珮歌

顧況

月生句

劉猛

月生十五前日望光彩圓月滿十五後日畏光彩瘦不見夜花色一樽成暗酒匣中苔背銅光短不遍空不惜補明月慙無此良工

把酒問月

故人曹澤令余問之

李白

青天有月來幾時我今停盃一問之人攀明月不可得月行却與人相隨皎如飛鏡臨丹闕綠煙滅盡清輝發但見宵從海上來寧知曉向雲間沒白兔擣藥秋復春姮娥孤棲與誰鄰今人不見古時月今月曾經照古人古人今人若流水共看明月皆如此唯當歌對酒時月光長照金樽裏

月蝕詩

盧仝

新天子即位五年歲次庚寅斗柄插子律調黃鐘森森萬木夜疆立寒氣翳負頑無風爛銀盤從海底出出來照我草屋東天色紺滑凝不流冰光交貫寒臃腫初疑白蓮花浮出龍王宮八月十五夜比竝不可雙此時怪事發有物吞食來輪中如壯士斧斫壞挂似雪山風拉摧百鍊鏡照見膽平地埋寒灰火龍珠飛出腦却入蚌蛤胎搥環破壁眼看盡當天一搭如煤炘磨蹤滅跡須臾閒便似萬古不可開不料至神物有此大狼狽星如撒沙出爭頭事光大奴婢炷燈看黯黯如玳瑁今夜吐燄如長虹孔隙千道射戶外玉川子涕泗下中庭獨自行念此日月者太陰太陽精皇天要識物日月乃化生走天汲汲勞四體與天作眼行光明此眼不自保天公行道何由行吾見陰陽家有說望日蝕月月光滅朔月掩日日光缺兩眼不相攻此說吾不容又孔子師老子云五色令人目盲吾恐天似人好色則喪明幸且非春時萬物不嬌榮青山破瓦色淥水冰崢嶸花枯無女去盃鳥死沈歌聲頑冬何所好偏使一目

育又聞古老說蝕月蝦蟇精徑圓千里入汝腹如此癡駭阿誰生  
可從海窟來便解緣青冥恐是睚眦閒指塞所化成黃帝有一目  
帝舜重瞳明二帝懸四目四海生光輝吾不遇二帝澆漓不可知  
何故瞳子上坐受蟲豸欺長嗟白兔擣靈藥恰似有意防姦非藥  
成滿白不中度委在兔夫何爲憶昔堯爲天十日燒九州金鑠  
水銀流玉熠丹沙焦六合烘爲蜜堯心增百憂天見堯心憂敦然  
發怒決洪流立擬沃殺九日妖天高日走沃不及但見萬國赤子  
戢戢生魚頭此時九御導九日爭持節幡麾幢旒駕車六九五十  
四頭蛟螭糾掣電九火輶汝若蝕開齟齬輪御轡執索相配鈎推  
蕩轟渴入汝喉紅鱗燄鳥燒口快翎鬣倒側聲醞鄒撐腸拄肚礪  
礪如山丘自可飽死更不偷不獨填飢坑亦解堯心憂恨汝時當  
食埋頭揪腦不肯食不當食張脣哆嘴食不休食天之眼養運命  
安得上帝請汝劉嗚呼人養虎被虎齧天媚蠶被蠶體乃知恩非  
類一自作孽吾見患眼人必索良工訣想天不異人愛眼固應  
一安得常娥氏來習扁鵲術手操春喉戈去此睛上物初旣猶膠

朧旣又如抹漆但恐功業成便此不吐出玉川子又涕泗下心禱  
再拜額塌沙土中地上蟣蝨臣全告訴帝天皇臣心有鐵一寸可  
剗妖蠶癘腸皇天不爲臣立梯磴臣血肉身無由飛上天揚天光  
封詞付與小心風颺排闥闖入紫宮密邇王几前劈拆奏上臣全  
頑愚曾敢死橫干天甚長東方蒼龍角插戟尾押風當心開明堂  
統領三百六十鱗蟲坐治東方宮月蝕不救援安用東方龍南方  
鳶爲赤發血項長尾短飛跋刺頭戴弁冠高達拊月蝕烏宮十二度  
烏爲居亭主人不覺察貪向何人家行赤口毒舌毒蟲頭上喫却  
月不啄殺虛眼鬼眼赤突窺烏罪不可雪西方攫虎立倚倚斧爲  
牙齧爲齒偷犧牲食封豕大蠶一變固當軟美見似不見是何道  
理瓜牙根天不念天天若准擬錯准擬北方寒龜被蛇縛藏頭入  
殼如入獄蛇筋束緊束破殼寒龜夏龜一種味且當臠其肉一底板  
沒信處唯堪支牀脚不中鑽灼與天下卜歲星生福德官爵奉董  
秦忍使黔婁生覆尸無衣巾天失眠不弔歲星胡其仁災惑雙鑠  
公執法大不中月明無罪過不糾蝕月蟲年年十月朝太微支盧

謫罰何災凶土星與土性相背反養福德生禍害到入頭上死破  
敗今夜月蝕安可會太白真將軍怒激鋒鏖生恒州陣斬鄴定進  
項骨脆甚春蔓菁天唯兩眼失一眼將軍何處行天兵辰星任廷  
尉天律自主持人命在盆底固應見天育時天若不肯信試喚臯  
陶鬼一問而今三台文章官作上天紀網環天二十八宿磊落尚  
書郎整頓排班行劍挫他人將一四太陽側一四天市旁操斧代大  
匠兩手不怕傷弧矢引滿反射人天狼呀啄明煌煌礙牛與駮女  
不肯勤農桑徒勞含淫思且夕遙相望蚩尤簸旗弄旬始追天鼓  
鳴璫琅狂矢龍蛇行眉目森森張天狗下舐地血流何滂滂謫險  
萬萬黨構架何可當昧目豐成就害我光明王請留北斗一星相  
北極指揮萬國懸中央此外盡拂除沙磧如山罔贖我父母光當  
時恒星沒殞兩如押漿似天會事發叱喝誅奸狂何故中道廢自  
遺今日殃善善又惡惡郭公所以亡願天神聖心無信他人忠玉  
川子詞訖風色緊格格近月墨暗邊有似動劔戟須臾凝臺精兩  
吻自決拆初露半個壁漸吐滿輪總衆星盡原放一蠶獨誅深腹  
肚忽脫落依舊挂穹碧光彩未蘇來慘淡一片白柰何萬里光受  
此吞吐厄再得見天眼感荷天地力或問玉川子孔子脩春秋二百四  
十年月蝕盡不收今子咄咄詞頗合孔意不玉川子笑荅或請聽  
遐邇孔子父母魯諱魯不諱周書外書大惡故月蝕不見收余命  
唐天口食唐土唐禮過三唐樂過五小猶不說大不可數災沴無  
有小大瘡安引衰周研覈可否日分晝月分夜辨寒暑一主刑一  
主德政乃舉孰爲人面上一目偏可去願天完兩日照下萬方土  
更不瞽萬萬古

明河篇

宋之問

八月涼風天氣晶萬里無雲河漢明昏見南樓清且淺曉落西山  
縱復橫洛陽城闕天中起長河夜夜千門裏複道連櫳共蔽虧畫  
堂瓊戶特相宜雲母帳前初汎濫水精簾外轉逶迤倬彼昭回如  
練白復出東城接南陌南陌征人去不歸誰家今夜擣寒夜鴛鴦  
機上踈管度烏鵲橋邊一鴈飛鴈飛螢度愁難歇坐見明河漸微  
沒已能舒卷任浮雲不惜光輝讓流月明河可望不可親願得乘

搓一問津更將織女支機石還訪成都賣卜人

賀雨詩

白居易

皇帝嗣寶歷元和三年冬自冬及春暮不雨旱熒熒上心念下民  
懼歲成災凶遂下罪已詔殷勤告萬邦帝曰予一人繼天承祖宗  
憂勤不遑寧夙夜心忉忉元年誅劉闢一舉靖巴邛二年戮李錡  
不戰安江東顧惟眇眇德遠有巍巍功或者天降沴無乃敬予躬  
上思蒼天戒下思致時雍莫如率其身慈和與儉恭乃命罷進獻  
乃命賑飢窮宥死降五刑責已寬三農宮女出宣徽殿馬減飛龍  
庶政靡不舉皆出自宸衷奔騰道路人偃僕田野翁歡呼相告報  
感泣涕霑曾順人人心悅先天天意從詔下纔七日和氣生冲融  
凝為油油雲散作習習風晝夜三日雨淒淒復濛濛萬心春熙熙  
百穀青芄芄入變愁為喜歲易儉為豐乃知王者心憂樂與衆同  
皇天及后土所感無不通冠珮何鏘鏘將相及王公蹈舞呼萬歲  
列賀明庭中小臣誠愚陋職忝金鑾宮稽首再三拜一言獻天聰  
君以明為聖臣以直為忠敢賀有其始亦願有其終

洛陽清明日雨霽

李正封

曉日清明天夜來高少雨千門尚煙火九陌無塵土酒醪河橋春  
漏閉宮殿午遊人戀芳草半犯嚴城鼓

詠露

李正封

霏霏靈液重雲表無声落霑樹急玄蟬灑池淒皓鶴流塵清遠陌  
飛月澄高閣宵潤玉堂凝廉曙寒金井索佳入比珠淚坐感紅綃薄

山雪

釋皎然

夕陽在西峯疊翠繁殘雪狂風卷絮迴驚猿攀玉折何意山中人  
誤報山花發

秋風引

劉禹錫

何處秋風至蕭蕭送鴈羣今朝入庭樹孤客最先聞

竹窻聞風寄苗發司空曙

李益

微風驚暮坐臨牖思悠悠開門復動竹疑是故人來時滴枝上露  
稍露階下苔幸當一入幌為拂綠琴埃

觀海

獨孤及

北登激海島廻首秦東門誰尸造物功鑿此天池源頌洞吞百谷  
周流無四垠廓然混茫際望見天地根白日自中吐扶桑如可捫  
迢遙蓬萊少相像金臺暮秦帝昔經此登臨異飛翻揚旌百神會  
望日羣山奔徐福竟何成羨門徒空言唯見石橋足千年潮水痕

西陵口觀海

薛據

浙江漫湯湯近海熱彌廣在昔胚混凝融為百川長地形失端倪  
天色潛混濛東南際万里極目遠無象山影尔浮沉潮波忽來往  
孤帆或不見棹歌猶響像日暮長風起客心空振蕩浦口霞未收  
潭心月初上林嶼幾遭迴亭臯時偃仰歲晏訪蓬瀛真遊非外  
獎

題玉潭

獨孤及

碧玉徒強名冰壺難比德唯當寂照心可並齋淪色

及第後過揚子江

施肩吾

憶昔將貢年抱愁此江邊魚龍互閃爍黑浪高於天今日步春草  
復來經此道江神也世情爲我風色好

責漢水辭

井序

李善夷

春秋僖公四年齊桓公合諸侯之師盟于召陵責楚之苞茅不入  
問昭王南征而不復楚子使屈完對曰貢之不入寡君之罪也敢  
不供給昭王南征之不復君其問諸水濱按照昭王南征至漢舟人  
膠其舟王遂溺死杜預曰當時漢水未屬楚杜之注其爲謬哉且  
楚實殷之始封楚苦縣瀨鄉在漢水東北六百餘里則漢水於西  
周之際豈未屬楚乎又詩云捷彼殷武奮伐荆楚深入其阻裒荆  
之旅鄭玄注云深入方城之阻也方城今在漢水北三百里豈昭  
王時未屬楚乎屈完以齊桓所問之大不敢他對但請自問於水  
濱之人言我不之知也漢實屬楚久矣夫山林川澤天子祀之必  
有其神楚人膠其舩而禍其君神不能福神之罪也余過漢見其  
波濤混漾而責其水辭曰

漢之廣兮風波四起雖有風波不如蹄涉之水蹄涉之水不爲下  
國而傾天子漢之深兮其隄莫量雖云其量不如行潦之汪行潦  
之汪不爲下國而溺天王漢之美者曰魴吾雖飢不食其魴恐汙

吾之飢腸

迎潮送潮辭二首并序

陸龜蒙

余耕稼所在松江南旁田廬門外有溝通浦漉而朝夕之潮至焉  
天弗雨則軋而留之用以滌濯灌溉及物之功甚鉅其贏壯遠速  
繫望晦多置虛也用之則順而進捨之則默以退有類乎君子之道  
翫而感之作迎潮送潮辭二首聊寄聲於騷人之末  
江霜嚴兮楓葉丹潮聲高兮墟落寒鷗巢卑兮漁箔短遠岸沒兮  
光爛爛潮之德兮無際既充其大兮又充其細密幽人兮款柴門  
寂寞流連兮依稀舊痕濡餘澤搗兮潮之恩不尸其功兮歸于混  
元

右迎潮

潮西來兮又東下日染中流兮紅灑灑汀葭蒼兮水蓼枯風騷牢  
兮愁煙孤大幾望兮微將翳晦搜瀛溶兮斂然而退愛長波兮數  
數一幅巾兮無纒可濯帆生塵兮掉有衣悵潮之還兮吾猶未歸

右送潮

引泉詩睦州龍興觀老君院作

上嗣位六載吾宗刺桐川余來拜旌戟詔下之明年是時春三月  
繞郭花蠟照嵐盤百萬髻上插黃金鈿授以道士館置榻于東偏  
滿院聲碧樹空堂形老仙本性樂凝澹及來更虛玄焚香禮真像  
盥手披靈編新定山角角鳥龍獨躡然除非淨晴日不見蒼崖巔  
上有擎雲夏手下有瓊壑泉泉分數十派落處皆崢嶸寒聲入爛醉  
聒破西窓眠支筇起獨尋抵在牆東邊呼僮具畚鍤立鑿毒苔穿  
叢崇一派墮練帶橫斜牽亂石拋落落寒流響濺濺狂奴七里瀨  
縮到踈搗前跳光潑半散涌沫飛旋圓勢束三峽挂瀉危孤磴懸  
曾聞瑤池溜亦灌朱草田鳥亮伯弄翠葉鸞鶴舞丹煙交風挾桂施  
隔霧馳羣舩况當玄元家嘗著道德篇上善可比水斯文參五  
千精靈若在此肯惡微波傳不擬爭滴瀝還應會淪漣出門後飛  
箭合勢浮青天必有學真子鹿冠秋鶴顏如能輔余志日使疏其  
源

賦得三峽流泉歌

李季蘭

妾家本住巫山雲巫山流水常自聞玉琴奏出轉寒更直似當時  
夢中聽三峽迢迢幾千里一時流入幽闈裏巨石崩崖指下生飛  
波遠浪絃中起初疑噴怒含雷風復似嗚咽流不通迴湍曲瀨意  
將盡時復滴瀝乎沙中憶昔阮公爲此曲能使仲容聽不足一彈  
既畢還一彈願比流泉鎮相續

明冰篇

富嘉謩

北陸蒼茫河海凝南山闌干晝夜冰素彩峨峨明月升深山窮谷  
不自見安知採斲備嘉薦陰房固沍掩寒扇陽春二月朝始暎春  
光潭沲度千門明冰時出御至尊彤庭赫赫九儀備要月玉煌煌  
千官事明水異歲周在位憶昔沙朔寒風漲崑崙長河水始壯漫  
汗峻嶒積亭障嗚嗚江上來禁苑池臺冰復開搖春涵綠映  
樓臺幽歌七月王風始明冰藏用照物執四時不忒千萬祀

殿前曲

王昌齡

貴人粧梳殿前催香風吹入殿後來仗引笙歌大宛馬白蓮花發  
照池臺

西施篇

王維

豔色天下重西施寧久微朝爲越溪女暮作吳宮妃賤日豈殊衆  
貴來方悟稀邀人傳香粉不自著羅衣君寵益嬌態君憐無是非  
當時浣紗伴莫得同車歸寄謝鄰家子效顰安可希

三閣詞

吳音四首

劉禹錫

貴人三閣上日晏未梳頭不應有恨事嬌甚却成愁  
珠箔曲瓊鈎子細見揚州北兵那得渡浪語聲悠悠  
沉香帖閣柱金縷盡門楣迴首絳幡下已見黍離離  
三人出智井一身登檻車朱門謾臨水不得見鱸魚

霓裳羽衣曲

李肱

開元太平日萬國賀豐登歲利木園歇舊曲玉座流新制鳳管遞來差  
霞衣競搖曳宴罷水殿空羣餘春草細蓬壺事已久仙樂功無替  
詎肯聽遺音聖明知善繼

遊仙十六首

道士吳筠

啟冊觀往載搖懷考今情終古已寂寂舉世何營營悟彼衆仙妙

超然含至精凝神契冲玄化服凌太清心同宇宙廣體合虛靈輕  
翔風吹羽蓋慶霄拂霓旌龍駕朝紫微後天保令名豈如寰中士  
軒冕矜暫榮

鸞鳳棲瑤林鷓鴣集平楚飲啄永殊好翔翔終異所吾方遺謫慕  
立節慕高舉解茲區中戀結彼霄外侶誰謂天路遐感通自無阻  
愍俗從遷謝尋仙去淪沒三元有真人與我朱道骨凌晨吸丹景  
入夜飲黃月百關彌調暢方寸益清越棲神合虛無洞覽周恍惚  
一覺隨玉皇焚香詣金闕

西龜初定錄東華已授名三官無遺謫七祖昇雲軒體妙塵累隔  
心微玄化并一朝出天地億載猶童嬰使我齊浩劫蕭蕭夏玉清  
怡神在靈府皎皎含清澄仙經不吾欺輕舉信有徵疇昔希道念  
而今果天矜豈非陰功著乃致白日昇焉用過洞府吾其越朱陵  
高負誠寥邈道合不我遺孰謂姑射遠神人可同嬉結駕從之遊  
飄飄出天垂不理人自化神凝物無疵因知至精感足以和四時  
八海廣無際三山高不極金臺羅中天羽客恣遊息霞液朝可飲

虹芝晚堪食嘯歌自忘心騰舉寧假翼保壽同三光安能幾千億  
將過大帝宮暫詣扶桑處真童已相訝爲我清宿霧海若寧洪濤  
義和止奔馭五雲結層閣人景動飛舉青霞端可挹丹楹時一遇  
留我宴玉堂歸軒不令遽

欲趨洞陽界試覽丹極表赤帝躍火龍炎官控朱鳥導我昇絳府  
長驅出天秒陽靈赫重暉四達何皎皎爲爾流飄風羣生遂無天  
子因詣金母飛蓋超西極遂入素中天停輪太濛側若華拂流影  
不使白日匿傾曦復亭午六合無暝色道化隨感遷此理誰能測  
九龍何蜿蜿載我昇雲網臨睨懷舊國風塵混蒼茫依依遠人寰  
去去邇帝鄉上超星辰紀下視日月光倏已過太微天居煥煌煌  
停驂太儀側整服金闕前肅肅承上帝鏘鏘會羣仙鴻鑪發靈香  
廣庶張鈞天玉醴浴中座霞膏充四筵良期無終極俛仰移億年  
峻朗妙門闕澄微眞鑒通瓊林九霞上金閣三天中飛蚪躍慶雲  
翔鶴搏靈風鬱鬱彼玉京會仙期六合同  
予昇至陽源欲憩明霞館飄飄瓊輪舉曠曠金景散結虛成萬有

高妙咸可翫三山鬱嵯峨琅海杳無岸  
整賞過千椿遐齡誰復弄招携紫陽友  
合宴玉清臺排景羽衣振浮空雲駕來  
靈幡七曜動瓊障九光開鳳舞龍遨奏  
蚪軒殊未迴

高昇紫極上宴此玄都岑玉蕊散奇香  
瓊珂流雅音靈風生太漠習習吹人襟  
體混希微廣神凝空洞深蕭然宇宙外  
自得乾坤心

上元夫人詩

李白

上元誰夫人偏得王母嬌嵯峨三角髮  
餘髮散垂鬢青衣披青色錦身著赤霜  
袍手提羸女兒閑與鳳吹簫眉語兩目  
笑忽然隨風飄

王子喬

宋之問

王子喬愛神仙七月七日上賓天白虎  
搖瑟鳳吹笙乘騎雲氣喻日精喻日精  
長不歸遺廟今在而人非空望山頭草  
草露濕君衣

玉真仙人詞

李白

玉真之真人時往太華峯清晨鳴天鼓  
颼颼騰雙龍弄霓不輟手行雲本無蹤  
幾時人少廣王母應相逢

夢太白西峯

常建

夢寐昇九厓香雷謂逢元君貴我太白  
岑寒雲辭垢氛結宇在星漢冥林閉氣  
氤氳蒼樞覆餘翠巾鳥生片雲時往溪  
谷間孤亭晝仍曛松峯引天影石瀨清霞  
文括目緩舟趣靈心投鳥羣春風又搖  
權潭鳥花紛紛

苦篁調笑引

李賀

請說軒轅在時事伶倫采竹二十四伶  
倫采之自岷丘軒轅以之調元氣當時皇  
帝上天時二十三管咸相隨唯留一管人  
間吹無德不能得此管此管沉埋震舜祠

少室山韋鍊師昇仙歌

皇甫冉

紅霞紫氣其氤氳絳節青童迎少君忽  
從林下昇天去空使時人禮白雲

宿青牛谷梁鍊師仙居

楊衡

隨雲步入青牛谷青牛道士留我宿可  
憐夜久月明中唯有壇邊一枝竹

玄都壇歌

杜甫

故人昔隱東蒙峯，已佩含景蒼精龍。故人今居子午谷，獨在陰崖結茅屋。屋前太古玄都壇，青石漠漠常風寒。子規夜啼山竹裂，王母書下雲旗翻。知君此計誠長往，芝草琅玕日應長。鐵鎖高墜不可攀，致身福地何蕭爽。

寄全椒山中道士

韋應物

今朝郡齋冷，忽念山中客。澗底束荆薪，歸來煮白石。欲持一瓢酒，遠慰風雨夕。落葉滿空山，何處尋行跡。

洗心

道士司馬退之

不踐名利道，始覺塵土腥。不味稻粱食，始覺神骨清。羅浮奔走外，日月無短明。山瘦松亦勁，鶴老飛更輕。逍遙此中客，翠髮皆長生。草木多古色，雞犬無新聲。君有出俗志，不貪英雄名。傲然脫冠帶，改換人間情。去矣丹霄步，向曉雲冥冥。

齋心

王昌齡

女蘿覆石壁，溪水涵濛濛。紫萸蔓黄花，娟娟寒露中。朝飲花上露，夜卧松下風。雲英化為水，光彩與我同。日月瀉精魄，寒冥天府空。

寄萼蒲

張籍

石上生萼蒲，一寸十二節。仙人勸我食，令我頭青面如雪。逢人寄君一絳囊，書中不得傳此方。君能來作樓霞侶，與君同入丹玄鄉。

金璫玉珮歌

顧況

贈君金璫玉珮之玉佩，金鎖禹步之流珠。五嶽真君之祕錄，九天丈人之寶書。東井沐浴辰巳畢，先進洞房上奔日。借問君從何處來，黃姑織女機邊出。

文粹卷第十八

古調十三

總二百三十六首

吳興姚

鉉

纂

感寓感寓二十八首 陳子昂

感寓七首

張九齡

感寓

權德輿

效陳拾遺子昂感寓一首 司空圖

百意二首

孫郅

詠史 詠史十首

李華

詠史

高適

詠史二首

釋皎然

詠史二首

劉禹錫

詠史四首

盧照鄰

讀李斯傳

曹鄴

慨歎出關作

魏徵

隴右途中遭非語

貞平千

書懷

劉幽求

自紀

皇甫松

贈友人

呂溫

贈韓愈二首

孟郊

贈喬林

劉昫虛

寄唐生

白居易

華下

司空圖

傷時二首

孟雲卿

封丘作

高適

街西居三首

姚合

效陳拾遺子昂司空圖

感時

司空圖

夜坐

張說

無可奈何歌 白居易

逢白公

元稹

感懷

賈冠卿

贈崔純亮

孟郊

客喜

賈島

有所思

宋之問

秦人謠

古之奇

時興

楊賁

聞碓有感

呂溫

野田行

于鵠

贈馮宿

李觀

偶然作二首 呂溫

及第後答潼關主人 呂溫

朝飢

賈島

九日酬顧少府

高適

感物 觀玉篇

陳子昂

素絲

陸龜蒙

李都尉古劍 白居易

廢琴

白居易

廢瑟辭

張籍

說劍

元稹

春桂問答二首 王績

養執鳥辭

劉禹錫

對菊

賈島

直釣吟

盧仝

競渡

元稹

冬日見牧牛人擔青草歸

張說

春感 送春曲二首 劉禹錫

衡州春早二首

呂溫

尋人偶題

邵真

題花樹

楊衡

惜花

陸龜蒙

秋感 秋日

耿緯

秋夕懷遠

孟郊

蟋蟀詩

羅隱

秋思

司空圖

在郡秋懷二首 張川齡

感寓二十八首

陳子昂

微月生西海 幽陽始化昇 圓光正東滿 陰魄已朝凝 太極生天地

三元更廢興 至精諒斯在 三五誰能徵

蘭若生春夏 華蔚何青青 幽獨空林色 朱粧冒紫莖 蓬蓬白

日晚嫋嫋秋風生 歲華盡搖落 芳意竟何成

蒼蒼丁零塞 今古緬荒途 亭埃何摧兀 暴骨無全軀 黃沙暮南起

白日隱西隅 漢甲三十萬 曾以事匈奴 但見沙場死 誰憐塞上孤

樂羊為魏將 食子殉軍功 骨肉且相薄 他人安得忘 吾聞山中相

乃屬放麀兒 翁孤獸猶不忍 況以奉君終

市人矜巧智於道若童蒙傾奪相夸侈不知身所終曷見玄真子  
觀世玉壺中杳然遺天地乘化入無窮

吾觀龍變化乃知至陽精石林何冥密幽洞無留行古之得仙道  
信與元化并玄感非象識誰能測淪冥世人狗目見酣酒笑丹經  
崑崙有瑤樹安得采其英

白日何不歸青陽時暮矣茫茫吾何思林卧觀無始衆芳委時晦  
鷓鴣悲鳴耳鴻荒古已頽誰識巢居子

吾觀崑崙化日月淪洞冥精魄相交構天壤以羅生仲尼推太極  
老聃貴窈冥西方金仙子崇議乃無明空色皆寂滅業緣定何成  
名教信紛藉死生俱未停聖人秘元命懼世亂其真如何高公輩  
談譎設時人先天誠為美階亂禍誰因長城備胡寇羸禍發其親  
赤精既迷漢子年何救秦去去桃李花多言死如麻

深居觀元化排然爭奈願羣動相啖食利害紛疑疑便便夸毗子  
榮耀更相持務光讓天下商賈競刀錐已矣行采芝萬世同一時  
吾愛鬼谷子青谿無垢氛囊括經世道遺身在白雲七雄方能開

天下久無君浮榮不足貴導養晦時文舒可彌宇宙卷之不盈分  
豈徒山水壽空與麋鹿群

呦呦南山鹿離咎以媒和招搖青桂樹幽靈亦成科世情甘近習  
榮耀紛如何怨憎未相復親愛生禍羅瑤臺傾巧笑王杯殞雙蛾  
誰見孤城樹青青成斧柯

林居病時久水木澹孤清閑卧觀物化悠悠念無生青春始萌達  
朱火已消羸殂落方自此感歎何時平

臨歧泣世道天命良悠悠昔日殷王子玉馬逐朝周寶鼎淪伊穀  
瑤臺成故丘西山傷遺老東陵有故侯

貴人難得意賞愛在須臾莫以心如玉採他明月珠昔稱天挑子  
今為春市徒鷓鴣悲東國麋鹿泣姑蘇誰見鴟夷子扁舟去五湖

聖人去已久公道緬良難蚩蚩夸毗子堯禹以為謾驕榮貴工巧  
勢利遞相干燕王尊樂毅分國願同歡魯連讓齊爵遺組去邯鄲

伊人信往矣感激為誰歎

幽居觀大運悠悠念群生終古代興沒豪聖莫能爭三季淪周赧

七雄滅秦羸復聞赤精子提劍入咸京炎光既無象晉魯復縱黃  
堯禹道已昧昏虐勢方行豈無當世維天道與胡兵咄咄安可言  
時醉而未醒仲尼溺東夏伯陽遁西溟大運自古來旅人胡歎哉  
凌迤世已久骨鯁道斯窮豈無感激者時俗類此風灌園何其鄙  
皎皎於陵子世道不相容嗟嗟張長公

聖人不利己憂濟在元元黃屋非堯意瑤臺安可論吾聞西方化  
清淨道彌敷奈何窮金玉彫刻以爲尊雲構山林盡瑤圖珠翠煩  
鬼功尚未可人力安能存夸愚適增累矜智道逾昏

玄天幽且默群議曷嗤嗤聖人教猶在世運久陵遲一繩將何繫  
憂醉不能持去去行采芝勿爲塵所欺

蜻蛉遊天下與世本無患飛飛未能止黃雀來相干獲侯富秦寵  
金石比交歡出入咸陽裏諸侯莫敢言寧知山東客激怒秦王肝  
布衣取丞相千載爲辛酸

微霜知歲晏斧柯始青青况乃金天夕浩露霑群英登山望宇儻  
白日已西海雲海方蕩蕩孤鱗安得寧

翡翠巢南海雄雌珠樹林何如美人意驕愛比黃金殺身炎洲裏  
委羽王堂陰旖旎光首飾歲華爛錦衾豈不在遐遠虞羅忽見尋  
多材信爲累歎息此珍禽

挈瓶者誰子妖服當首春三五明月滿盈盈不自珍高堂委金玉  
微縷懸千鈞如何負公鼎被奪笑時人

玄蟬號白露茲歲已蹉跎羣物從大化孤英將奈何瑤臺有青鳥  
凌食玉山禾崐崙見玄鳳豈復虞雲羅

荒哉穆天子好與白雲期宮女多怨曠層城閉蛾眉自耽瑤臺樂  
豈傷桃李時青苔空萎絕白髮生羅帷

朝發宜都渚浩然思故鄉故鄉不可見但見巫山陽巫山彩雲沒  
高丘正微茫仲立望已久涕淚沾衣裳豈茲越鄉感憶昔楚襄王  
朝雲無處所荆國已淪亡

昔日章華宴荆王樂荒淫霓旌翠羽蓋射光雲夢林鳩來高堂觀  
悵望雲陽峯雄圖今何在黃雀空哀吟

丁亥歲云暮西山事申兵羸糧巾叩道荷戟爭羌城嚴冬陰風勁

窮岫油雲生昏黯無晝夜羽檄復相驚攀踞萬仞崩危遠九冥  
籍籍新臺壑裏哀哀塗行聖人御宇宙聞道大階平肉食謀何失  
奕蕪菲緬縱橫

可惜瑤臺樹灼灼佳人姿碧華映朱實攀折青春時豈不盛光寵  
榮君白玉墀但恨紅芳歇凋傷感所思

竭來豪遊子勢利禍之門如何蘭膏歎感激自生死衆趨明所避  
時棄道猶存雲泉既已失羅網與誰論箕山有高節湘水有清源  
唯應白鷗鳥可爲洗心言

索居獨幾日炎夏忽然衰陽彩皆陰醫親友盡賤違登山望不見  
涕泣久漣而宿夢感顏色若與白雲期世中驕豪子驅逐正蚩蚩  
蜀山與楚水攜手在何時

金鼎合神丹世人將見欺飛飛騎羊子胡乃在蛾眉變化固幽類  
芳菲能幾時疲病苦淪世憂悔日侵淄春然顧幽褐白雲空淥淥

朔風吹海樹蕭條邊已秋亭上誰家子哀哀明月樓自言陰燕客  
結髮事遠遊赤丸殺公吏白刃報私讎避仇至海上被役此邊州

胡鄉三千里涼水復悠悠每憤胡兵常爲漢國羞何知七十載  
白首未封侯

本爲貴公子平生實愛才感時思報國拔劍起蒿萊西馳丁令塞  
北上單于臺登山見千里懷古心悠哉誰言未忘禍磨沒成塵埃  
浩然坐何暮吾輩有蛾眉念與楚狂子悠悠白雲期時哉悲不會  
涕泣久漣而夢登級山穴南采巫泣芝探元觀奇化遺世從雲螭  
婉孌將永矣感悟不見之

朝入雲中郡北望單于臺胡秦何密邇沙朔氣雅哉藉藉天驕子  
猖狂已復來塞垣無名將亭堠空崔嵬咄嗟吾何歎邊人塗草萊  
仲尼探元化幽鴻順陽和大運自盈縮春秋遞來過音塵忽號怒  
萬物相紛靡溟海皆震蕩孰爲其如何

感寓七首

張九齡

蘭葉春葳蕤桂華秋皎潔欣欣此生意自爾爲佳節誰知林棲者  
聞風坐相悅草木有本心何求羨人折  
幽林歸獨臥帶露洗孤清持此謝高鳥因之傳遠情日夕懷空意

人誰感至精飛沉理自隔何所慰吾誠

魚游樂深池鳥棲欲高枝嗟爾蚌游羽薨薨亦何為有生豈不化  
所感奚若斯神理日微滅吾心安得知浩歎揚朱子徒然泣路岐  
孤鴻海上來池潢不敢顧側見雙羣鳥巢在三珠樹矯矯珍木巔  
得無金九懼美服患人指高明逼神惡今我遊冥冥弋者何所慕  
吳越數千里夢寐今夕見形骸非我親衾枕即鄉縣化蝶猶不識  
川魚安可羨海上有山山歸期覽神變  
抱影吟中夜誰聞此歎息美人適異方庭樹銜幽色白雲愁不見  
滄海飛無翼鳳皇一朝來竹花此可食

漢上有游文求思安可得袖中一書札欲寄雙飛翼冥冥獨不見  
耿耿徒緘憶紫蘭秀空踈皓露奪幽色馨香歲欲晚感歎情何  
極白雲在南山日暮長太息

感寓

權德輿

殘雨倦歌枕病中時序分秋虫與秋葉一夜滿窸聞虛室對搖落  
晤言無與群真心試觀化世故如絲勢但看鳥戾天豈見山出雲  
下俚徒擊節朱絃祕南薰倚梧秀朝陽上有威鳳文終待九成奏  
來儀瑞吾君

效陳拾遺子昂感寓一首

司空圖

高鷲飛何捷啄害恣群鷄人豈玩其暴華軒容爾居強欺自天稟  
剛吐信吾徒乃知不平者矯世道終孤  
陽和含煦潤卉木競紛華當為眾所悅私已汝何誇址里祕穠艷  
東園鎖名花豪奪乃常理笑君徒咄嗟

古意

擬祥州陳拾遺

孫邵

屈子生楚國七雄知其材介繫世不容跡合藏蒿萊道廢固命也  
瓢飲亦賢哉何事葬江魚空使後人哀  
魏禮段干木秦王乃止戈小國有其人大國奈之何賢哲信為美  
兵甲豈云多君子戰必勝斯言聞孟軻

詠史十一首

李華

日照崑崙上羽人彼羽衣乘龍駕雲霧欲往心無違此山在西北  
乃是神仙國靈氣皆自然求之不可得何為漢武帝精意編群山

糜費巨萬計營車終不還蒼蒼茂陵樹足以戒人間

天生忠與義本以佐雍熙何意李司隸而當昏亂時古墳襄城野  
斜徑橫秋波況不禁樵採茅茨無子遺高標尚可仰精爽今何之  
一忤中常侍銜竟誰見知常觀黨錮傳撫卷不勝悲

文侯耽鄭衛一聽一忘殮白雲燕姬舞朱絃趙女彈淫聲流不返  
怡湯日無端獸威受朝時鳴鐘鑪百官兩牀陳管磬九奏殊未闌  
對此淮恐因更能表衣冠

漢皇脩雅樂乘輿臨太學三老與五更天王親割牲一人調風俗  
萬國和且平單于驟款塞武庫欲銷兵文物此朝盛君臣何穆清  
至今遺壇下如有箫韶聲

蜀主相諸葛功高名亦尊驅馳十萬眾恣目瞰中原曹伯任公孫  
國忘身不存社宮久蕪沒白鴈猶飛翻勿言君臣合可以濟黎元  
為蜀諒不易如曹難復論

秦滅漢帝興南山有遺老危冠揖萬乘幸得馱征討當君逐鹿時  
臣等以杜福靈知市朝變位覺泉石好高卧三十年相看成四皓  
帝言翁其善見顧何不早咸稱太子仁重義亦尊道測謂

申生不自保暫出商山雲揭來趨灑掃東宮成羽翼楚舞揚塵  
後代無其人矣園蒲秋草  
六國韓最弱末年尤畏秦鄭生為韓計且欲疲秦人利物可分社

原情堪滅身咸陽古城下萬頃稻苗新  
昂藏獬豸獸出自太平年亂代乃潛伏縱人為禍愆常聞斷馬劍  
每壯朱雲賢負死名不滅寒風吹墓田精靈如有在幽憤苦松煙

沂水春可涉泮宮映楊葉麗色異人間珊珊搖珮環展禽所獨處  
深巷生禾黍城上飛海雲城中暗春雨滴來鳴珮者復是誰家女  
泥沾珠綴履雨濕翠毛簪電影閉蓮臉雷聲飛意心自言沂水曲

采蘋兼采芣歸遲雖可尋天陰光景促憐君貞且獨願許君家宿  
徒勞惜衾枕子不願雙蛾豔質訝重淫風如禮何周王惑褒姒城  
闕成陂池

巢許在嵩穎陶唐不得臣九州上洗耳一命安能親縣額數千祀  
丘中誰隱淪朝游公卿府夕是山林人蒲帛揚及陋薜蘿為摺紳

九重念入夢三事思降神且設庭中燎寧窺泉下鱗

漢時征百越揚僕將樓船幕府功未立江湖已騷然島夷非敢亂政  
暴地仍偏得罪因懷璧防身輒控弦三軍未裂土萬里詎聞天魏  
關心猶在旗門首已懸如何得良吏一為制方圓

詠史一首

高適

尚有綈袍贈應憐范叔寒不知天下士猶作布衣看

詠史二首

釋皎然

田氏門下客馮公衆中賤一朝市義還百代名獨擅始知下客不  
可輕能使主人功業成惜問昌車與珠履何如追賤一書生

獨負高世姿真真寄浮俗下子去不歸何人識荆玉鬻春意不淺  
汗跡身豈辱鸞鏡樂進澶虬蟠甘窘束五噫謫且正可以見心曲

詠史二首

劉禹錫

驃騎非無勢少卿終不去世道劇頽波我心如砥柱

賈生明王道衛綰工車戲同遇漢文時何人君貴位

詠史四首

盧昭鄰

昔有平陵男姓朱名阿游直髮上衝冠壯氣橫三秋願得斬馬劍  
先斷佞臣頭天子玉檻折將軍丹血流捐生不肯拜視死其若休  
歸來教鄉里童蒙遠相求弟子數百人散在十二州三公不敢吏五  
鹿何能訓名與日月懸義與天壤儔何必疲執戟區區在封侯偉  
哉曠達士知命固不憂

季生昔未達身辱功不成見蚩為臺隸灌園變姓名幸逢滕將軍  
兼遇曹丘生漢祖廣招納一朝拜公卿百金孰云重一諾良匪輕  
廷議斬樊噲羣公寂無聲處身孤且直遭時坦而平丈夫當如此  
唯唯何足榮

大漢昔云季小人道遂振玉帛委閭尹斧鑕嬰搢紳魏哉郭先生  
卷舒得其真雍容謝朝廷譚笑辨人倫在晦不絕俗處亂不為親  
諸侯不得友天子不得臣冲情甄負醜重價折角巾悠悠天下士  
相送洛橋津誰知仙舟上寂寂無四鄰

公業負奇志交結盡才雄良田四百頃所食常不充一為侍御史  
慷慨說何奇何為歎吾謀適不同仲穎恣殘忍廢誠良在躬死人

如亂麻天子如轉蓬干戈及黃屋荆棘生紫宮鄭生運其謀將以清國或時來命不遂脫身歸山東凜凜千載下穆然懷清風

讀李斯傳

曹鄴

欺暗常不然欺明當自戮難將一人手掩得天下目

出關作

魏徵

中原初逐鹿投筆事戎軒縱橫計不就慷慨志猶存杖策謁天子驅馬出關門請纓繫南越馮軾下東蕃鬱紆陟高岫出沒均平原古木吟寒鳥空山啼夜猿既傷千里目還驚久逝魂豈不憚艱險深懷國士恩季布無二諾侯嬴重一言人生感意氣功名誰復論

隴石途中遭非語

貞半千

趙有兩毛遂曾聞二曾參慈母猶且惑况在行路心冠冕無醜士賄賂成知己名利我所無清濁誰見理弊服空庭春綬帶不著身出遊非懷璧何憂乎忌人正須自保愛振衣在生塵

書懷

劉幽求

心為明時盡君門尚不容田園迷徑路歸去欲何從

自紀

皇甫松

皇天后地力使我向北生貴賤不我均若為天地情我家世道德盲意匡文明家集四百卷獨立天地經寄言青松姿豈羨朱槿榮昭昭大化光共此遺芳馨

贈友人

呂溫

南山雙喬松擢本昔千尋文流膏露津朝被青雲陰負雪出深澗搖風倚高岑明堂久不構雲幹何森森匠意方雕巧時情正誇淫生財會有用天地豈無心

贈韓愈二首

孟郊

何以定交契贈君高山石何以保貞妍贈君青松色貧交過此外無可相彩飾更有其鼠詩吟之堪淚滴其鼠既穿墉又齧機上絲穿墉有閑土齧機無餘絲朝吟枯桑柘暮泣空村機豈是無巧妙絲斷將何施眾人尚肥華志士多飢羸願君保此節天意當察微前目遠別離今日生白髮欲知萬里情曉卧半牀月常恐百蟲秋使我芳草歇

贈喬林

劉春虛

去年上策不見收今年寄食仍淹留羨君有酒能便醉羨君無錢能不憂如今五侯不待客羨君不問五侯宅如今七貴方自尊羨君不過七貴門丈夫會應有知己世上悠悠何足論

寄唐生

白居易

賈誼哭時事阮籍哭路岐唐生今亦哭異代同其悲唐生者何人五十寒且飢不悲口無食不悲身無衣所悲忠與義悲甚則哭之太尉擊賊日段太尉以笏擊朱泚尚書叱盜時顏尚書叱李希烈大夫死兇寇陸大夫為亂兵所害諫議謫蠻夷楊諫議左遷道州每見如此事聲發涕輒隨往往聞其風俗士猶或非憐君頭半白其志竟不衰我亦君之徒鬱鬱何所為不能發聲哭轉作樂府詩篇篇無空文句句必盡規切過虞人箴痛甚騷人詞非求官律高不務文字奇惟歌生民病願得天子知未得天子知甘受時人嗤藥良氣味苦瑟淡音聲希不懼權豪怒亦任親朋譏人竟無奈何呼作狂男兒每逢羣動息或遇雲霧披但自高聲歌庶幾天聽卑

歌哭雖異名所感則同歸寄君二十章與君為哭詞

華下

司空圖

月多旱雲裂迸為千道血天地沸一鑊竟自烹妖孽堯湯遇災數災數遠中輟何事姦與邪古來疑撲滅

傷時二首

孟雲卿

徘徊宋郊上不見平生親獨立正傷心悲風來孟津大方載羣物生死有常倫虎豹不相食哀哉人食人豈知逢世運天道亮云云太虛流素月三五何皎明光曜侵白日賢愚迷至精四時更變化天道有虧盈常恐今已沒須臾復更生

封丘作

高適

我本漁樵子孟諸野一生自是悠悠者乍可狂歌草澤中寧堪作吏風塵下祇言小邑無所為公門百事皆有期拜迎官長心欲碎鞭撻黎庶令人悲悲來向家問妻子本家盡道今如此生事應須南畝田世情付與東流水夢想舊山安在哉為衛君命且遲迴乃知梅福徒為爾却憶陶潛歸去來

街西居二首

姚合

受得山野性任成多事違青山在宅南回首東西睇淺淺一井泉  
數家共汲之獨我惡水濁鑿井庭之墜自鑿還自飲亦為眾所非  
吁嗟世間事潔身誠難為

日出窮巷喜温然勝重衣重衣豈不暖暖氣人不齊兀兀復行行不  
離階與屏

丈夫非馬蹄安得知路岐窮賤殮茹薄與與養性宜乃知長生術豪  
貴難得之

效陳拾遺子昂

司空圖

醜婦競簪花花多映愈醜鄰女恃其姿掇之不足盈手量已苟自私  
招損乃誰咎寵祿既非安於吾竟何有

感時

好鳥無惡聲其獸肯狂噬寧交鸚鵡啞不遣麒麟細人人語與默  
唯觀利與勢愛毀亦自遭掩謗終失計

夜坐

張說

懷哉四壁時未有五都價百金誰見許斗酒難為賞落花生芳春  
孤月皎清夜復逢利交客題戶遙相謝

無可奈何歌

白居易

無可奈何兮白日走而朱顏頹少日徃兮老日催生者不住兮死  
者不迴况乎寵辱豐頹之外物又何嘗不十去而一來去不可挽兮  
來不可推無可奈何兮已焉哉惟天長而地久前無始兮後無終  
嗟吾生之幾何寄瞬息乎其中又如太倉之稊米委一粒於萬鍾  
何不與道逍遙變化從容縱心放志洩洩融融胡為乎分愛惡於  
生死擊意喜於窮通強強其骨髓齟齬其心胃合冰炭以交戰抵  
自苦乎厥躬彼造物者于何不為此與化者云何不隨或煦或吹  
或盛或衰雖千變與萬化委一順以貫之為彼何非為此何是誰  
冥此心夢蝶之子何禍非福何吉非凶誰達此觀喪馬之翁俾吾  
為秋毫之杪吾亦自足不見其小俾吾為泰山之阿吾亦無餘不  
見其多是以達人靜則昭然與陰合迹動則浩然與陽同波委順  
而已孰知其他時耶命耶吾其無柰彼何委邪順邪彼亦無柰吾何

天兩無可奈何然後能真至順而合太和故吾所以飲太和扣至順而為無可奈何之故

逢白公

元稹

遠路事無限相逢唯一言月色照榮辱長安千萬門

感懷

費冠卿

螢燭不為苦求名始辛酸上國無交親請謁多少難九月風割面羞汗成冰片求名侯公道名與公道遠力盡得一名他喜我且輕家書十年絕歸去知誰榮馬嘶渭河柳特地起愁聲

贈崔純亮

孟郊

食羞腸亦苦強歌聲無歡出門即有礙誰謂天地寬有礙非設方長安大道傍小人智慮險平地生大行鏡破不改光蘭死不改香始知君子交久久道益彰君心與我懷離別俱惘惘譬如浸蘗泉流苦日已長忍泣目易衰忍憂形易傷項籍豈非壯賈生豈非良當其失意時涕泗各滿裳古人勸加食此食難自強一飯九祝噓一嗟十斷腸况非兒女冤冤氣凌彼蒼彼蒼若有知白日下清霜

今朝始驚呼碧落空茫茫

客喜

西真島

客喜非實喜客悲非實悲百迴信到家未當身一歸未歸長愁嗟愁嗟填中懷門口吐愁聲還却入耳來嘗恐滴淚多自損兩目輝鬢邊雖有絲不堪織寒衣

有所思

宋之問

洛陽城東桃李花飛來飛去落誰家幽閨女兒惜顏色坐見落花長歎息今年花落顏色改明年花開復誰在已見松柏摧為薪更聞桑田變成海古人無復洛城東今又還對落花風年年歲歲花相似歲歲年年人不同寄言全盛紅顏子須憐半死白頭翁此翁白頭真可憐伊昔紅顏美少年公子王孫芳樹下清歌妙舞落花前光祿池臺文錦繡將軍樓閣畫神仙一朝卧病無相識三春行樂在誰邊婉轉蛾眉能幾時須更鶴髮亂如絲但看古來歌舞地唯有黃昏鳥雀飛

秦人謠

古之奇

微生祖龍代却思堯舜道何人仕帝庭  
投殺指佞草姦臣兵民柄天子恣衷抱  
上一相蒙馬鹿遂顛倒中國既版蕩骨  
肉安可保人生貴子壽吾恨死不早

時興

楊貴

貴人昔未貴咸願顧寒微及自登福要何曾問布衣  
平明登紫閣日晏下彤閣接授路傍子無勞歌是非

聞礎有感

呂溫

千門嚴雲端此地富羅紈秋月三五夜  
礎聲滿長安幽人感中懷靜聽淚沈闌  
所恨擣衣者不知天下寒

野田行

于鵠

日沒出古城野田何茫茫寒狐上孤塚  
獵火燒白揚昔人未為泉下客君到此  
中還斷腸

贈馮宿

李觀

寒晨上秦原游子衣飄飄黑雲截萬里  
獵火從中燒松心願我獨不灑殺氣獨  
不消水交石可裂風疾山如搖時無青  
松心願我獨不灑

偶然作二首

呂溫

樓臺復沒沒忽覺年四十今朝蒲衣淚  
不是傷春泣中夜兀然坐無言空涕淚  
丈夫志氣事兒女安得知及第後各  
潼關主人

本欲雲雨化却隨波浪翻一露太常第  
十過潼關門志力且虛棄功名誰復論  
主人固相問慙笑不能言

朝飢

賈島

市中有樵山北舍朝無煙井底有甘泉  
釜中乃空然我要見白日雪來寒青天  
立聞西林琴凍折兩三絃飢莫謂他門  
古人有拙言九日謝顛少府

高適

簷前白日應可惜籬下黃花為誰有  
客子迎霜未受衣主人得錢肯酤酒  
蘇秦憔悴時多馱蔡澤棲遲世看醜  
縱使登高祗斷腸不如獨坐空搔首

觀玉簪并序

陳子昂

丙戌歲余從左補闕喬公北征夏四月  
軍幕舍于張掖河河洲草

木無他異者唯有仙人杖往往叢生幽朔地寒與中國頗異余家  
世好服食昔嘗領之及此役也而息意滋味成人有薦嘉蔬者此  
物存焉余倏爾而笑曰始者與此君別不圖至是而見之豈非神  
明嘉惠將欲扶吾壽也因為喬公昌言其能時東萊王仲烈亦同  
旅舍聞而大喜甘心食之已旬有五日矣適有行人自謂知藥者  
謂喬公曰此白棘也公何謬哉仲烈愕然而疑亦曰吾怪其味甜  
今果如此喬公信是言乃譏余作采玉篇謂宋人不識玉而寶珉  
石也余心知必是由以獨見之故被奪於衆人乃喟然而嘆曰嗟  
乎人之大明者目也心之至信者口也夫日照五色口分五味玄  
黃甘苦亦可斷而不惑矣而路傍一議二子增疑况君臣之間朋  
友之際平自是而觀之則萬物之情可見也感采玉詠而作觀玉  
篇以答之并示仲烈譏其失真

鳴夷雙白玉此玉不獨燐懸之千金價舉世莫知真丹青非異色一輕  
重有殊倫勿信玉工言徒悲荆國人

素絲

陸龜蒙

園客麗獨繭詩人吟五綵如何墨子淚反以悲途窮我意豈於是  
願參天地功為綫補君袞為絃繫君桐左右修闕職宮商還古風  
端然潔白心可與神明通

李都尉古劍

白居易

古劍寒黯黯鑄來幾千秋白光納日月紫氣排斗牛有客借一觀  
愛之不敢求湛然玉匣中秋水澄不流至寶有本性情剛無與儔  
可使寸寸折不能繞指柔願快直士心將斷佞臣頭不願報小怨  
夜半刺私讎勸君慎所用無作神兵羞

廢琴

絲桐合為琴中有太古聲古聲淡無味不稱今人情玉徽光彩滅  
朱絃塵土生廢棄來已久遺音尚泠泠不辭為君彈縱彈人不聽何  
物使之然羌笛與秦箏

廢琴詞

張籍

古瑟在匣誰復識玉柱顛倒朱絲黑千年曲譜不分明樂府無人  
傳正聲秋蟲暗穿塵作色腹中不辨工人名幾時天下復古樂此

吾友有寶劍密之如密友我寶膠漆交中堂共盃酒酒酣肝膽露  
 恨不眼前剖高唱荆卿歌亂擊相如缶更擊復更唱更酌亦更壽  
 白虹座上飛青蛇匣中吼我聞音響異疑是干將偶為君拜拜言  
 神物可見不君言亦可見復言我自取迎匣已焚香近鞘先澤手  
 徐抽寸寸刃漸屈彎彎射殺殺霜在鋒團團月臨鈕逡巡潛蚪躍  
 鬱律驚左右霆雷滿室光蛟龍繞身走我為捧之泣此劍別來久  
 鑄時堇山破藏在松桂朽幽匣獄邊埋神人水心守本用稽泥滓  
 果非雷煥有我欲評劍功願君良聽受劍可刺犀兕劍可切瓊玖  
 劍決天外雲劍衝日中斗劍噴妖蛇腹劍拂佞臣首太古初斷釐  
 武王親擊紂燕丹卷地圖陳平縮花綬曾被挂樹枝寒光射林莽  
 曾經儔農器利用翦狼莠神物終變化復為龍社社管末武庫燒  
 脫然排戶牖為欲掃羣胡散作彌天帝自茲失所往豪英共為詭  
 今復誰人鑄挺然千載後既非古風胡無乃近鷗九自我與君遊

平生益自負况擎寶劍出重以雄心扣此劍何太奇此心何太厚  
 觀君慎所用所用無或苟潛將辟魘魅勿但防妾婦留斬泓下蛟  
 莫試街中狗君今困泥滓我亦空塵垢公耳驚大言逢人少開口

春桂問答二首

王績

問春桂桃李正芬華年光隨處滿何事獨無花

春桂答春華詎能久風霜搖落時獨秀君知不

養鷲詞并序

劉禹錫

途逢少年志在逐絕旬方呼鷹隼以龍飛走因縱觀之卒無所獲行  
 人有嘗從事於斯者曰夫鷲禽飢則為用今哺之過篤故然也予  
 感之作養鷲詞

養鷲非玩形所資擊鮮力少年昧其理日日哺不息探鷲網  
 黃口日暮有餘食寧知不講時翅重飛不得陪鯢止林表狡兔  
 自南北飲啄既已盈安能勞羽翼

對菊

賈島

九日不出門十日見黃菊灼灼尚繁英美人無消息

直釣吟

盧仝

初歲學釣魚自謂魚易得二十持釣竿一魚釣不得人釣曲  
我釣直哀哉我釣又無食文王已沒不復生直釣之道何時行

競渡

元稹

吾觀競舟子因測大競源天地昔時競蓬勃晝夜昏龍蛇相  
噴薄海岱俱崩奔羣動皆攪撓化作流渾渾數極斷心息太  
和承混元一氣忽為二直豔然畫乾坤日月復照耀春秋遞  
寒溫八荒坦以曠萬物羅亦繁聖人中間立理世了煩延絲絲  
復幾歲逮及羲與軒炎皇熾如炭蚩尤扇其燔有熊競心起  
驅戰山林樊一戰波委焰再戰火燎原戰訖天下定號之為  
軒轅自是豈無競瑣細不復言其次有龍競競渡龍之門  
龍門浚如瀉涼射不可接赤鱗化時至塘突鬣鬣掀乘風  
瞥然去萬里黃河翻接瞬電霆出微吟霹靂喧傍瞻曠  
宇宙俯瞰卑崑崙度類咸在下九霄行易捫攸辭蛙龜穴  
濠排天帝閭迴悲暴鯁者未免鯨鯢吞帝命澤諸夏不

棄蟲與昆隨時布膏露稱物施厚恩草木露我潤豚魚均我膏  
來同競輩豈料由我存壯哉龍競渡一競身獨尊捨此皆蟻鬪競  
舟何足論

冬日見牧牛人擔青草歸

張說

塞上絲應折江南草可結欲持梅嶺花遠競榆關雪日月無他照  
山川何頓別苟齊兩地心問天將安設

道州觀野火

呂溫

南風吹烈火焰焰燒楚澤陽景當晝連陰天半夜赤過處若彗掃  
來時如電激豈復辨蕭蘭焉得分玉石蟲蛇盡燦爛虎兕亦奔迫  
積穢一蕩除和氣始融液堯時既敬授禹稼斯肇迹遍生合穎禾  
大秀兩岐麥家有京坻詠人無溝壑感若悟焚如功來歲終受益

諭寶

元稹

沉玉在弱泥泥弱玉易沉扶桑寒日薄不照萬丈心安得潛淵蚪  
拔谿超鄧林泥封泰山吐水散旱天霖洗此泥下玉照曜臺殿深  
刻為傳國寶神器人不侵

冰置白玉壺始見清皎索珠穿殷經縷始見明洞澈鎮鄧無人淬  
兩刃幽壤鐵春鏡無人拭一片理霧月驥跼環堵中骨附筋入節  
蚪蟠尺澤內魚貫蛙同穴舩艫無巨海浮桴矜濶滴棟梁無廣廈  
顛倒卧霜雪天鵬無長空舉翻受羈紲豫章無厚地危抵真飢餓  
尺璧無卞和甘與頑石列舜禹無陶堯各隨腐草滅神功伏神物  
神物神乃別人神不世出所以神功絕神物豈徒然用之有施設  
禹功九州理舜德天下悅璧充傳國璽圭用祈泰折千尋豫章幹  
九萬大鵬敬棟梁庇生民舩艫濟來哲蚪騰旱天雨驥騁流電掣  
鏡懸姦膽露劔拂妖蛇裂珠生照乘光冰瑩環座熱此物比在泥  
斯言為誰發凡今盡凡耳不為君不說

送春曲二首

劉禹錫

春向晚春晚思悠哉風雲日已改花葉自相摧漠漠空中去何時  
天際來

春已暮冉冉如人老映葉見殘花連天是青草可憐桃與李從此日  
桑棗

春竟去此去何時迴遊人千萬恨落日高臺寂寞繁華盡流風  
歸不來

衡州早春二首

呂溫

碧水何逶迤東風吹沙草煙波千里曲不辨嵩陽道  
病肺不飲酒傷心不看花唯驚望鄉處猶自隔長沙

尋人偶題

邵真

日昃不復午落花難歸樹人生能幾何莫厭相逢遇

題花樹

楊衡

都無看花意偶到樹邊來可憐枝上色一一為愁開

惜花

陸龜蒙

人壽期滿百花開唯一春其間風雨至旦夕旋為塵若使花解愁愁  
於看花人

秋日

耿緯

返照入窮巷憂來與誰語古道無人行秋風動禾黍

秋夕懷遠

孟郊

卧冷無遠夢聽秋酸 別情高枝低枝風千葉萬葉聲淺井不供飲  
瘦田長廢耕今交非古交貧語聞皆輕

蟋蟀詩

羅隱

頑颺斃芳吹愁夕長胥戎有動歌離弔夢如訴如言緒引虛寬周  
隙伺榻繁咽黃綠范睡蟬老冠峨綫好不冠不綫爾奚以悲蚊蚋  
有毒食人肌肉蒼蠅多端黑白偷安爾也出處物兮莫累壞舍帝  
衰虛堂泣曙勿徇諠譁鼠豈無牙勿學萋菲坦亦有耳危條槁飛  
抽恨咿咿別帳釭冷柔魂不定美人在何夜影流波與子佇立徘徊  
徊思多

秋思

司空圖

身病時亦危逢秋多鬪哭風波一搖蕩天地幾翻覆孤螢出荒池  
落葉穿破屋勢利長草草何人訪幽獨

在郡秋懷二首

張九齡

秋風入前林蕭颺鳴寒枝寂寞遊子思寤歎何人知宦成名不立志  
在歲已馳五十而無聞古又深所庇平生去外節直道如不羈未得  
割效忽復寒暑移物情有固然身退毀亦隨悠悠滄江渚望望白  
雲涯露下霜且降澤中草披離蘭艾若不安用馨香為  
庭蕪生白露歲候感遐心策蹇慙遠塗巢枝思故林小人恐致寇  
終日如臨深魚鳥好自逸池籠安所欽挂冠東都門採蕨南山岑議  
道誠愧昔覽分還愜今憮然憂成老空爾白頭吟

文粹卷第十八

文粹卷第十九上

頌甲

摠九首

吳興姚

鉉

盛德無疆頌

李華

起義堂頌

僧行又云張說

開元正曆握乾符頌

張說

上黨舊宮述聖頌

張說

龍池聖德頌

張九齡

靈武受命宮頌

楊炎

封禪紀泰山銘附

玄宗御製

封禪頌

張說

封東嶽朝覲頌

蘇頌

無疆頌并序

李華

臣華言伏以漢明帝時徼外蠻夷服木白狼獻詩歌德屬事史官  
況臣自曾祖至臣備國家職負臣又逮事玄宗肅宗今以餘年獲  
事陛下官歷御史補闕尚書郎命薄多病不獲奔赴闕庭恐先朝  
露同於泥塵若無歌詩頌德曾蠻夷不若也敢述列聖為無疆頌  
式昭皇家大慶無窮謹昧死稽首以聞

高祖元頌

昊昊旻天

監於下

興有德

維隋之妙

時黷陰凝

陽潛未登 人思照矣 雷行龍興 湯濯雲隱 文明乎萬國  
垂仁蒸人 載親天監 保我子孫 巍巍皇皇 後之皇承之

太宗烈頌

高祖受天命 誕興太宗 成天之命 帝湯昏逾

黎人毒痛 甚契于爐 甚溺于塗 以號以呼

呼天無辜 高祖謂太宗 爾必有天下 爾其訂謨

太宗稽首 恭受天命 望請條除 張我師

撫征四國 前翦雜群慝 鼓一方 二方震駭

默昭其靈 隨顧而平 我負我乳 我安我成

以奉君父 以臨天下 任忠孝文武 建禮章樂舞

我雖明德 諫則納汝 時惟帝降佑之 自古明后

莫如我德 我勛唐無疆 天子之無疆 本太宗休命

高宗康頌

肇為址為堂 實勩實勩 付舜厥裔 丕承后帝

帝思不忘 神非木靜康 不耀而光 不求而昌

自中方 外達夷羌 瞻我大邦 助祭在于廟

執貢朝于主 油油時雲 兩厥百穀 深深景風

扇彼嘉穀 飴口飽腹 以馱以足 俾壽而福

都章成人

中宗興頌

屏萬之毒 豐而為蠖 謀膺天之族 天祐聖祚

八柱將覆 帝告五臣 保翼朕躬 赫赫彤彤

日升雲中 百臣受命 鉞爾頑兇 故曰再造我天下

生人鼓舞 既成矣 又奉父母

睿宗德頌

后戚之禍再興有危兢兢 廟祧震怒 陰命聖子

翼登聖父 奮其神旅 宵杖金斧 殄滅逆亂

大聖照臨 元元宅心 歸祚于有功有德 於戲盛德

玄宗文頌

石鑠玄宗之明 克孝克仁 允武允文 宣祖宗之光

垂于子孫	盛禮畢舉	大樂畢陳	百蠻來賓
元元阜殷	戎或不賓	遣師徂征	罔不頓顙
陪于雷震	在漢方昌	用刑慘酷	中都繫考
六萬餘人	使者案錄	誅千萬人	其後賢主
北武赫赫	誅沛賓客	以千以百	孝明稱賢
楚獄連年	坐死逮捕	以萬以千	猶曰漢祚宜長
越我祖宗	不忍用刑	至于玄宗	哀彼缺鑿
降為便扶	誕吉郡國	大為屋至	醫彼百疾
追懷登遐	止害禽畜	旁為陂池	養麟介族
既濡既渥	昆蟲草木	享國五十年	寓縣晏然
逆臣犯天	天念蒸人	若曰與我負恥	不忍人戰死
乃告元子	理兵朔鄙	西幸蜀都	命孑子受圖
天下既定	父堯子舜	歸于國都	無不欣愉
無不涕濡	傳聖自願	升靈太微	嗚呼上聖
之道之純	不可度思		

肅宗孝頌

穆穆孝慈	有如肅宗之誠	達于神祇	爰訓六師
震發北陸	陵陵雷馳	西戎南蠻	北狄東夷
咸舉其旅	佐皇之威	帝心如天	無噬無慈
福欽岳岳	破裂崖谷	逆隸傾覆	朝社大復
屆于海之外服	以盟以濯	以舞以躍	帝在東宮
孝如文王	蒸蒸其心	天地知其孝	既收鎬洛
祀于陵廟	奉迎止聖	天日並照	有兇有孽
將噬將齧	我旂方設	則已顛蹶	如燁於雪
尊嚴而仁	仁覆而嚴	大臣小臣	莫不潔廉
躬勤百度	百度如其素		

今上照頌

大邦之興	維天相之	曷興曷相	有德繼王
昔殷王	盤庚武丁	紹登殷明	矧我帝君
不承天命	疊引其慶	生我皇聖	幼冲聖敬

寔左肅宗

開國御戎

群師稟教

舉則成功

自西自東

如雲廷如風

蕩滌元兇

罔不率從

既登大位

於變時豈

人咸曰

上如太宗

延億兆斯年

地博天崇

罔不爾容

玄宗元孫

為玄宗烈文

肅宗元子

承肅宗孝理

起義堂頌并序

僧一行 又云張說

堯以天下禪舜舜以天下禪禹禹將宅百揆揔萬國一讓于稷高  
 再讓于皋陶稷高先舉彼商與周以之更盛皋陶後天我國家於  
 茲受命非舜以考天而疇咨審靈命之陰騭非禹以享天而德讓  
 知歷數之有歸及乎玄宗間出光太前慶垂道德而統運依清虛  
 而立法天祚我李厥惟舊哉并州起義堂者皇天造帝之初高祖  
 折言衆之地也隋氏失御國亂無家小道自賢大才胥忌惟宮室陂  
 池之好惟沈酒暴慢是保上帝不敢黎人咸戚六軍踰海而東敗  
 萬乘過江而南覆巢存狼入邑狹偷爭人黔首莫然方將無訢我

祖感之乃龍躍晉水鳳翔太原百神前驅萬姓來奔關成陽入天  
 門用湯武之兵靜新室之亂遵唐虞之典承太王之基率百官受  
 終于文祖輯五王班瑞于諸侯類圓徑方之禮備封功爵德之議  
 允納法法簡代唐以寬子惠困窮懷柔蠻貊金石一變日月重華  
 近古已來未有革命易姓若此之盛者也非天私我有唐惟天祐  
 于積德非唐求于人無惟人懷于累仁當此之時太宗內啓聖謀  
 外行專斷躬擐甲胃跋履山川駕英雄而為奧主一區域而定大  
 業周詩曰昊天有成命后受之信今之謂也若夫脩德以降命奉  
 命以造邦源濬者流長根深者葉茂天人報應豈相遠哉觀周之  
 興始於后稷公劉承以大王王季皆勤儉忠厚克廣前烈至于文  
 王成之武王啓之康王安之故卜世三十二年七百天所命也我  
 唐之興也始於皇孫玄元承以景皇元帝皆立言馮德垂裕後昆  
 至於高祖受之太宗有之高宗守之中宗復舊業睿宗新景命比  
 之周室我何謝焉且如陳德明刑庶其躬稼之績玄宗道要小其  
 避狄之仁化流率土狹其江漢之域義寧大朝羞其牧野之戰故

武德中大行出大聲曰唐興理万年蓋天之所命年代未可涯也  
仲尼曰惟天爲大惟堯則之又曰韶盡美矣又盡善也非至德其  
孰能如此其大者乎於戲先后捨元子而立予主鬯頒大位而付  
予天下自高祖創業百有六戰欽承不緒十有四載東西南北無  
思不服山川鬼神亦莫不寧實惟藝祖儲福之所致豈予幼孫菲  
德之能及方將運心于玄妙之境勵志于造化之爐發令爲祥符  
施惠爲霖雨任賢爲兩曜仗能爲四時俾溥天之下有形者遂全  
懷生者自足樹鋪野繭田種嘉穀斷雕爲撲捐珠葉玉追大庭而  
齊風夢華胥而同俗非曰能爾願憑宗祐而效焉癸亥之歲獻春  
正月濟河橫汾省方展義存陪黎老緬慕本邦城郭歸然桑梓如  
舊覽見風物之憂思尋王業之艱難惟高祖若天地之覆載化成  
類惟太宗若日月之照臨光于四表舉晉陽之甲除君側之盜由  
唐侯之封升天子之號肇基發迹實在於茲仙駕無所或顧懷于  
舊土靈魄無方儻來歸于北堂郡縣之所宜嚴奉前人有言曰禮  
不忘本樂保其德如姬詠周原而劉歌沛邑思我烈祖如聞歡息  
之音嗟爾後人無念成功之須頌曰

皇矣上帝臨下有赫降監四海求人之瘼吁彼隋煬其政不獲眷  
我高祖此惟其宅天輔臯繇明刑弼教道尊老氏同玄體妙仁表  
四乳明融獨照隨父託心史良辨貌高祖誕靈神光夜耀天妹作  
合日凡夢紹祚生文帝膺運會昌首唱高祖騫飛晉陽萬夫一心  
元戎啓行火旗炎炎雲鳥洋洋五星牙帝萬國謳唐天網恢疎王  
師節制威雅連戮老生摧斃山祇引軍河龍渡帝涓倉散積離宮  
弛閉關輔來蘇遠方咸惠長安宮室上法太微隋宮寶鼎唐在璿  
璣仗入雙闕詔出九圍三靈協載百祿同歸帝謂太宗表正封略  
濤蕩颺掃霆馳電爍劍不摧鋒弩無再曠西平汧隴東取河洛果  
密德充頭懸面縛北走隳黠南達蠻荆遼碣作又梁岐底平風動  
神行海隅蒼生莫不來庭於昭義堂誓衆資始天命所起于胥頌  
美維予小子夙夜敬止於戲皇王緒思不忘

開元正曆握乾符頌并序

張說

客有嘲臣曰聖主正新曆握乾符百僚賡歌以美時六合鼓舞以

頌德先生獨宴默書閣含翰詞林奚其爲僿擬也臣應之曰斗水不能評巨壑之量隙光未足議大明之體何者見漏而守隘也握乾符者不謂執天命歟執命者非夫廣德休曆交相表裏況命者夫子之所罕言也焉可偏贊而揔握符之盛哉如作者略大本舉小節不亦仲尼之門所聽瑩也是以涸思乾慮久難其述客無異焉客曰請終餘論粵若我大唐慶始白雲道昇紫氣屬漢東失馬淮南不返高祖舉晉陽之甲戡定關西太宗因後后之師削平天下高宗收圖海外檢玉封中九域黎人重代飲澤雖鳴獄焉改旻坑神龍中興周鼎歸唐玄圭祀夏中宗違代壁變窺國於是平聖上起藩邠入鈞陳一麾水心群克泥首宗復大聖越踐少陽受禪當守而光大前烈垂統拜壁而慎寧後嗣四海有覆盂之安百代無交裘之隙是之謂聖人握符之大寶也四星入輔五將出禦倚禮樂爲國計仗仁義爲軍勢英賢集殿而文教成干戚舞階而武功振敬讓光于九族孝慈行於萬宇積璋西南瀚瀚東北熾皮火毳暘炎山汚熱海向風來主黑貂駭駭浮天浪絕冰漠連歲獻款焉

無猜人之意草木無不達之氣升中于夫比天同貴是之謂聖人握符之大政也歷試上黨黃龍飛天入清中禁白虹指日瘞汾脰寶鼎見柴茂宗卿雲蔚非應事而呈瑞者雖多狎而不紀矣是之謂聖人握符之大祥也以數推氣以氣定朔以星殼時以閏成歲考星間而革踈度置歲差而辨誤日立大衍之紀參大渾之畧合鍾律之聲極鬼神之情是之謂聖人握符之大曆也若夫仁聖根於內菁華發於外祥兆祕於前謠讖灼於後自然之理也彼洛下閼者漢太初時一巧曆耳其云後八百歲當差一日有聖人正之斯人也抑將露才揚術預證來聖有者舊之傳記無史策之明文然至隋之開皇及麟德聖歷三家創法一引爲徵約之年代則鄰近瞽之圖籙則曖昧未有如新曆之昭昭者矣昔在唐虞之際以斗精受命者七神得四均間氣而生者又二十八人所謂三十五際者也禹以金德王故夏后之有天下也生數四百年契以水德王故殷人之有天下也成數六百年稷以木德王故周人之有天下也成數八百年伯益之命中天而堯族以火德乘之故漢室之

有天下也生數再及二百年其間距王而興不能復大禹九州之  
跡及勝殘百年之命者皆五神之餘氣也皐繇降德皇唐復興土  
精應主厚德載物生數五百成數千年命曆有歸此其大較修德  
增祚與天無窮轉筭之徒莫能究也緯以入元三百四歲為德運  
七百六十歲為代軌千五百二十歲為天地出符四千五百六十  
歲為七精返初天人相應合若符節自堯典命羲和修重黎之舊  
理顓頊之曆上元甲子千五百餘歲得孔聖而春秋之曆序暨開  
元十二年甲子凡二千四十歲遇聖上而大衍之曆興是時也土  
德入生數之元天命當出符之會信矣伏惟聖上聰明文思道德  
之具也詒達大度皇帝之體也藝初六經漢光之學也文通三變  
魏祖之才也緣情定制五禮之本也洞音度曲六樂之宗也神於  
弧矢黃軒之威也聖於翰墨蒼頡之妙也兄弟善友壬季之心也  
子孫衆多周文之福也大寶以定天位大政以布廣德大祥以合  
靈符大曆以啓成命德位兼才臨照如此符命介福繁彰如彼所  
謂廣德休曆交相表裏之効也善曆者心推來運以自神興王者

不俟往言以表聖設徵夫洛下閎之語也其不有容成之事乎且  
如恃有命比於日孰是夏王之福也賴卜年襄其德豈謂周公之  
訓也故曰王者執天命在於俟天符致天符在於順天德布天德  
在於保天位四者備矣然後陳其盛德告於神明捨此道也胡可  
語正天曆握乾符哉謏臣懼學謝生玄造樂虞典之歌舜美周詩  
之美文敢不數信辭薦清樂獻上客之課託衆篇之後云爾

維皇六葉於赫啓聖步玉以握金鏡地維續天柱正山川授方雷  
兩施令清廟九祐堯門百慶郊稷首祖擇昌定命德自我流藝從  
我修龜易八卦龍書九疇文含玉律字吐銀鈎鳴絲鶴舞調前核  
愁集賢榜殿花粵名樓神用外表事行先兆萬目朝徹千心暗曉  
卿雲爛熳黃龍窈窕游姑射神人宵登太山天下小飛祥定端均  
靈躋類製譯窮天琛維盡地燦此金戟鑄為農器匪直也然探玄  
素秘軸止輪運辰居星轉得一神疑吹萬情辨發斂潛合晦明  
幽闡階宣朝開宮槐夜卷正我長曆同符大衍天地清焉日月貞  
焉四時行焉萬物生焉窮神知化美功成焉金版玉牒遠頌聲焉

上黨舊宮述聖頌并序

維開元十有一祀正月皇帝展義于河東挾右太行留宴上黨整  
兵耀武入于太原設都建頌以崇王業南轅汾睢祈穀后王天清  
日朗神歆如荅三月庚午飲至長安六軍解嚴四方和會邇觀法  
象遐詠德澤大虞巡之典修美漢祠之禮舉人心翕而一變神物  
效而無方於是邠王臣守禮靈主臣憲申王臣摛岐王臣軌薛王  
臣業獻書於內開府儀同三司臣璟尚書臣駿臣象先臣頴御史  
大夫臣淮抗疏於外僉曰陛下受天曆敷統稽聖典謨道貫三靈仁  
育萬類掃陰沴而觀日開闢之功也尊文考而御天帝王之孝也  
天以陛下爲子人奉陛下爲君萬殊之福斯應畢臻三代之風頌  
聲咸作今潞人懷代邠誅泗渚採聖崖延立石將表潛龍之館勒  
啓聖之圖勤亦至矣陛下推而不報其何以下塞衆望上對神休  
哉臣聞天之所啓人之忻戴必憑睿聖玄勳之德元命真符之紀  
功業見乎變德施加乎時德厚者施溥功玄者應速或階晦以彰  
或由難而昌蓋生其德之謂天授其時之謂命天有成命其可

于陛下昔居是州也紫雲在天神光照室中鹿來復黃龍上昇龍  
出仙洞而神魚躍山開樺穴而靈鍾韻謠言合識臣亦引途嘉嘉李  
侯連祥著自起當此時也金石預變獄訟先歸政設六府人重五  
教陶無竄器漁有讓泉神而化之人不知力昔龍負圖而大舜登狼  
銜鈎而后殷昌玄珪錫於夏禹赤伏歸於漢光應道協符希代補  
寶未有窮祥極瑞倣儻環異如今之至者叁石玄貺集而不彰則  
神心不悅鴻業成而不贊則祝告無聞是掩天休而蓋聖德也臣  
子之罪將何解焉願聽路人以揚丕烈帝曰往者中宗遠代國步  
微艱天祚我唐天命集于睿宗大聖真皇帝朕畏天將命不敢怠  
違其乾符坤珍皆先聖之餘福朕何力之有焉然重違昆弟公卿  
之請抑以敬從無爲虛美重朕不德也群臣遊聖蕩莫能名約乎  
舊史敢頌成績辭曰

帝德廣運乃聖乃神天祚聖考唐惟舊邦其命惟新再受命兮帝  
初正人降居上黨天下往兮黃龍書身攀天而上九五象兮帝適  
于野紫雲之下求必在兮帝寢于堂爰龍有光觀者駭兮天迹童

謠木連蒼且立惚神異兮空鍾化穴縞鹿赤魚何詭異兮上天無聲  
託類附形覺悟人兮聖皇齋栗在得戒失昭事神兮緇皤路老樂  
我王道愛舊宮兮赫赫頌功與天比崇據無窮兮

龍池聖德頌 并序

張九齡

臣聞昔者玄德升聞皇天眷命元聖有作上帝何言而必見意於  
休徵志象於幽贊惟茲降鑒若曰專精道周萬物者其魄尤功濟  
生人者其祥大粵若古始肇有君臣巢燧之前寂寥無紀書契之  
後炳煥可觀若乃鬼神睚眦品彙紛錯性命未正吉凶不定而太  
昊氏將通其德則河爲之出圖人食未粒鳥獸是茹時不耕稼器  
無耒耜而神農氏將教其本則天爲之雨粟蚩尤不道炎帝不制  
銅鐵鑄兵林狼橫厲而軒轅氏將禁其暴則天爲之降玄女洪水  
方割下民昏墊堯德莫能弭厥災舜功不能除其害而夏后氏將  
理其績則洛爲之出書自茲已降蓋三千歲矣其間木火更王雲  
物告符有若狼銜釣魚躍舟素靈出黃星見豈不以湯德有勳武  
善未盡漢道既雜魏方亦偏唯以一至之應且爲興王之兆則未

有天錫首符聖受休命遠與大禹相續超與上皇比崇如我國家  
之盛者焉惟龍池蓋天之所以祚聖即令上卜居之舊里京師奕  
壇之地傍無寶澤中忽溢泉非常而靈液消流無幾而神化寢廣  
榮光休氣若烟若雲所未曾有則此之出雖清可以鑑而深不見  
底鱗介瑰詭充滿其中時莫知其所然自徒見其有異中宗採識  
者之議獻主氣而來遊聖上處或躍之時出飛龍而合應臨淄始  
封也邸第在焉上黨歷試也靈符紹至天其以是求命我唐國家  
丁寧有所底止其若茲也夫數有時而否至理也無代而亡固存  
乎大聖之生也乘運而作鼓天下之動安天下之危故獎順成功  
自古之啓佑之也如彼克定多難自天之叶贊之也如此初中宗  
違代后黨窺隙大盜扭於得志群慝起而擅朝若綴旒旒然當此  
時也天與若不取鬼謀若不協則我祖宗之業無乃將墜而億兆  
之命亦猶倒懸聖上感之提劍而起雷霆一奮妖沴以清內難既  
襄外虞有謚推戴太上照臨萬邦實天之爲與人更始系皇統維  
乾綱決綻補壞蕩瑕滌穢而乃闕典咸備舊章采摭窮盡盡在

因必通品物資以再生寰區爲之一變然後反華僞於朴還澆醜  
於醇以大道爲源以至仁爲根動推是心以御於事人見德而興  
行神享誠而介福故不任於刑罰亦不在於禱請大造化成玄猷  
充塞有如陽春播澤觸類皆滋泰山起雲無遠不備雖昆蟲草木  
與蠻貊要荒樂其所生安其所習在牛羊而勿踐有干戈而載戢  
又況於衣冠華夏禮樂邦家而不形於斯須不彰於漸漬者也夫  
然何教非德何化非經何能事之不舉何醇精之未極周溥洋溢  
成乎緝熙至於太和莫不允若體包天地之大事出皇王之表豈  
擎蹠曲拳盡禮極力將用彥聖不啻其口所能稱誦於吾君所可  
殆庶於至德且往者之有開也天感精以降聖聖敬命以奉天此  
誠有元則欽明文思及茲報本必嚴祇齋栗靈應以屬之神化以  
答之與初相明其微乃著紛綸先兆非篤信歟由是言之統天者  
人合符者聖而美德序命殊尤卓絕豈多乎哉至于古之興王必  
有所感五帝更尚五運傍通土者黃中之精於金爲母水者善利  
之物於土爲妃苟應期而有求必合德而爲表是則然矣天其或  
者亦阜育群化發揮蕃祉始告以聖有明徵終成乎帝之神冊因  
其立象之本會以相乘之數則載祀六百歷紀千年變而通之胡  
可量也宗子宗正卿襲信郡王燦若干人伯父伯兄仲叔季弟聚  
族相與詣闕上言天意昭著固已久矣人事符合亦云至矣而一  
德是建大階既平靈臺靈沼赫赫明明天之爲大雖莫能名王之  
在鎬豈無頌聲上初克讓抑而未許至於累請乃曰俞哉史臣不  
敏敢獻頌曰

茫茫元昊載凝載薄在帝庖羲繼天而作浩浩洪水包山襄陵舜  
亦命禹夏氏以興龍圖龜書二主是膺湯武已下夫何足徵右命  
於燦我唐乘運而起續禹之統系堯之紀五聖在天不命曾孫高  
視河洛同符混元亦有黃龍出於靈沼明明穆穆天子之表右聖  
倬彼東井昭章于天沉精降液下爲靈泉泉靈有泚有深無底必  
之洋洋其甘如醴清德之鑑柔道之體洪源濬規實天所啓右龍  
濯濯靈泉洞冥皇祇滋液流行化爲神池曰止曰行唯聖之作匪  
鱣匪鱉惟龍之躍植物斯生動物斯樂天根有見曾是不涸右神

靈有休氣紛紛郁郁如山之苞如雲之簇潛龍右下瞻鳥在奎兆  
云其吉周爰咨詢既契我龜又叶我人鎬錐舊京其命惟新右林  
蜿蜒黃龍神池自出靈化惚恍噴雲沃日告帝之符其儀孔信或  
潛于泉或見在田與時順動亦應于天克酬我皇無德稱焉

靈武受命宮頌并序

楊炎

臣聞享天降命惟德也哉難奉時惟聖也必有非常之運是與撥  
亂之功君以蒼生為憂不以濡足為患以寧濟為業不以脩身為  
道此陶唐所以捨而不畏舜禹所以受而不疑靈武宮皇帝躍龍  
之所日者奸臣竊命四海蕩波我聖皇天帝探命曆之數啓龍圖  
作受命之書付于我皇帝皇帝方遊崆峒以求至道於是群公卿  
士負王旒金匱望氣芒碭之野三進於閭闔之中曰臣聞在昔蚩  
尤連禍大盜中國神農氏兵莫能勝天降玄女勅軒轅氏大定其  
災厥後堯有九州之害而命禹禹以四海之功而受舜陛下主鬯  
大位十有九年精爽者皆美德馨乾坤也必聞幽贊玄德上達景  
福有歸六聖觀命曆之期兆人有臨難之請陛下畏災運而不寧

棄黎元而不顧以至仁為薄以大寶為輕臣等若不克所請與億  
兆之眾將被髮拊膺號於天而訴於帝矣皇帝唯然改容曰豈人  
心歟丁卯廣平王倣太尉光弼司徒子儀尚書左僕射冕兵部尚  
書輔國與北軍將士西土耆老萬五千人排闥以訴帝曰今豺狼  
穴居宮闕陛下兆庶為餌宗廟為墟君臣等誠懇未通是高祖不  
歆於太廟且陛下涉渭則洪流涸迴鑿則慶雲見布澤而川池廣  
勤道而嘉禾生靈祗髮髯玄貺幽感臣聞符命待聖而作天運否  
終而會歲鞋聃嚙會也睿武英明聖也臣等敢昧死上聞帝乃灑  
齋宮啓金匱鳴咽拜受詔有司太赦天下改元曰至德元年尊聖  
父為文武大皇帝是日煙雲變作土庶踴躍黃龍見於東野紫氣  
滿於天門翌日也數百里衣裳會兼旬也數千里朝貢會踰月也  
天下兵車會浹時也四方戎狄會以一旅成百萬之師率胡夷平社  
稷之難禮郊祀戴聖皇與人合誠心以氣消天厲動罔不吉敵無  
不報是以白鹿擾於王庭靈芝產於延英化動而功成淵默而頌  
聲言禪代者陋蒼梧易姓之名語嗣守者羞唐堯積善之辱述哉

定者歎四紀而復夏美中興者蚩三六而滅新於戲神祇之所歸  
往品物之所法象鼓飛龍於天水仗大義而東向矢謨發號實在  
茲都願篆石宮庭以垂萬古伊過山澤知風雨之奧窮造化識天  
地之爐臣炎稽首敢獻頌曰

赫赫河圖啓天之祐雲從億萬皇在九五惟昔陶唐克傳舜禹護  
也武也夫何足數彼妖者勃惟暴惟貪天實即命人將不堪皇曰  
內禪于再于三盡武之善去湯之慙兵車百萬洶洶雷震橫會九  
州爲行爲陣恃力者踣從命者順孝以奉天神而撫運至德唐堯  
崇功大禹皤皤北叟垂白而覩沛邑空歌周原已古徘徊頌聲求  
介茲土

文粹卷第十九

文粹卷第十九下

頌乙

摛三首

藝紀泰山銘

附玄宗御製

大唐封禪頌

張說

大唐封東嶽朝覲壇壇

紀泰山銘附

玄宗御製

朕宅帝位十有四載顧維不德懼於至道任夫難任安天難安茲  
朕未知獲戾於上下心之浩蕩若涉於大川賴上帝垂休先后儲  
慶宰衡庶尹交脩皇極四海會同五典敷錫咸云再熟人用大和  
百辟僉謀唱予封禪謂孝莫大於嚴父謂禮莫尊於告天天符既  
至人望其積固請不已固辭不獲予與夫二三臣亂虞典繹漢制  
張皇六師震疊九寓旌旅有烈士馬無譁肅肅邕邕翼翼溶溶  
以至于岱宗頂也爾雅云泰山爲東岳周官曰兗州之鎮山實惟  
天帝之孫群靈之府其方處萬物之始故稱岱焉其位居五岳之  
伯故稱宗焉曰昔者受命易姓於是乎啟天地薦成功序圖錄紀  
氏號朕承先王茲率厥典實欲報玄天之眷命爲蒼生之祈福豈  
敢高視萬古自北九皇哉設故壇場於山下受群方之助祭躬封  
燎於山上翼一獻之通神斯亦因高崇夫就廣增地之義也及仲

文夷寅有事東岳類于昊天上帝配我高祖在大之神罔不畢降  
聖靈曰禪於社首侑我聖考祀於皇祇在地之神罔不咸舉既壬  
辰觀群后上公進曰天子膺天符納介福群臣拜手稽首稱千萬  
歲慶答歡同陳誠以德大渾叶度彝倫攸叙三事百揆時乃之功  
萬物由庾光人允植列牧與宰時乃之功一二兄弟篤以孝友錫  
類萬國時惟休哉我儒制禮我史作樂天地擾順時惟休哉蠻夷  
戎狄重譯來貢累聖之化朕何慕焉五靈首寶自來月集會昌之  
運朕何感焉凡今而後儆乃在位一王度齊衆法攢舊章補缺政  
存簡易去煩苛思立人極乃見天則於戲天生蒸人惟后時又能  
以美利利天下事天明矣坤厚載物惟后時相能以厚生生萬人  
事地察矣天地明察鬼神著矣惟我藝祖文考精爽在天其曰懿  
予幼孫克享上帝時若馨香其不乃曰會我之文武曾孫其誕錫  
新命續我舊業永保天祿子孫其承之予小子敢對揚上帝之休  
命則亦與百執事尚綏兆人將多于前功而忘彼後思一夫不獲  
萬方其罪予一心有終上天其知我朕惟實行三德曰慈儉謙慈

者覆無疆之言儉者宗將來之訓自滿者人損自謙者天益苟如  
是則軌迹易循基構易守磨若壁刻金記後之人聽詞而見心觀  
未而知本銘曰

惟天生人立君以理惟君受命奉為天子代去不留人來無己德  
涼者滅道高斯起赫赫高祖明明太宗受華隋政奄有萬邦聲天  
張宇盡地開封武稱有截大表時邕高宗稽古德施周溥茫茫九  
夷削平一鼓禮備封禪功齊舜禹巖巖岱宗衍我元神中宗紹運  
舊邦惟新睿宗繼明天下歸仁恭已南面綢繆化醇告成之禮留  
諸後人緬予小子重其五聖匪功伐高匪德矜盛欽若祀典丕承  
永命至誠動天福我萬姓古封泰山七十二君或禪社首或禪去  
去其迹不見其名可聞祇通文祖光昭舊勳方盡誕儒書麗斷  
供后求仙誣神檢玉秦災風雨漢汗編錄德未合天或承之厚道  
在觀政名非從欲銘心絕巖播告群嶽

大唐封禪頌

張說

皇唐六葉開元神武皇帝再受命琰太平乃封岱宗禪社首數金石

紀號天文煥發儒臣志美立殞祠壇曰厥初生人俶有君臣其道  
茫昧其風朴略因時而敘起與運而紛落泯泯沒沒無聞焉爾後  
代聖人取法象立名位衣裳以等之甲兵以恒之於是禮樂出而  
書記存矣及其源致敬乎天地報其本致美乎鬼神則封禪者帝  
王受天命告成功之爲也閱曩聖之奧訓考列辟之通術疇若天  
而不成曷背道而靡失由此推之封禪之義有三帝王之略有七  
七者何傳不六道德仁義禮智信乎順之稱聖哲逆之號狂悖三  
者一位當五行圖錄之序一時會四海昇平之運三德具欽明文  
思之美是謂與天合符名不死矣有一不足而去封禪人且未許  
其如天何言舊史者君莫道於陶唐虞舜臣莫德於臯陶稷禹三  
臣降德皆有天下仲尼叙帝王之書繫周秦之誓明魯祀周公用  
王禮秦承伯益接周統孔聖微旨不其歟然秦定天下之功高  
享天祿之日淺天而未忘庭堅之德也故大命復集于皇家天之  
贊唐不惟舊矣其興之也玄靈啓迪黃祇顧懷應歸運以義舉無  
來蘇以利見護也無放夏之慙武也無伐殷之戰高祖創業四宗

重光德有格天漏泉蒸雲濡露菌蠢滋育氤氳煦若天地之覆  
載日月之照臨溥有形而歸景罄無外而宅心百有八年于茲矣  
皇帝攘內難而啓新命戴睿宗而續舊服宇宙開朝廷始位蓋  
義軒氏之造皇圖也九族敦序百姓昭明萬邦咸和黎人於變立  
士圭以步曆革銅渾以正天蓋唐虞氏之張帝道也天地四時六  
官著禮并田三壤五圻成賦廣九廟以尊祖定六律以和神蓋二  
代之設王制也武緯之文經之聖謩之神化之然猶戰戰兢兢日  
慎一日納規誨以進德遂忠良以代工講書乎無爲之書討論乎  
集賢之殿寵勇爵貴經明翼乎鸞鸞之列在庭毅乎貔豹之師居  
鄙人和旁感神寶者至乾符坤珍千品萬類超圖溢謀未始聞記  
我后以人瑞爲心不以物瑞爲意王公卿士儼然進曰休哉陛下  
孝至于天政合乎道前年祈后土人獲大穰間歲祀圓丘日不奄  
朔感祥以祈聖因事以觀天天文交合其則不遠意者喬丘掃路  
望雲華之來上帝儲恩俟蒼璧之禮久矣焉可專讓而廢舊勛群  
臣固言勤帝知罪至于再至于三帝乃攝之曰欽崇天道俯率嘉

話恐德不類敢憚于勤其撰巡狩之儀求封禪之故既而禮官不  
戒而備軍政不謀而輯天姥練日雨師灑道六甲按隊八陣警蹕  
孟冬仲旬乘輿乃出千旗雲引萬戟林行霍漢燐燐飛焰揚精原  
野爲之震動草木爲之風生歷郡縣首謠俗問百年舉百祀興隆  
典嘗闕政彼祖之人室家相應萬方縱觀千里如堵城邑連歡立  
陵聚舞其中垂白之老樂過以泣不圖高里之塊復見乾封之事  
堯雲狂舜日還神華靈鬱燦爛燦乎穹壤之間是月來至于岱祗被  
齋宮滌濯靜室凝神玄覽見將款太一議夫泰山者聖帝受天官之  
宮天孫恣人靈之府自昔立國莫知萬數克并中而建號惟七十  
而有五我高宗六之而今七矣非夫尊位盛時明德曠代遼闊難  
并之其哉先時將臻夫大封也累封疆於高岡築泰壇於陽趾夫  
其天壇三龍宸陛十二咸秩衆靈列坐有次崇牙樹羽管磬鏞鼓  
宮懸於重遺之內干戚叙文鈞戟戣戰周位於四門之外伐國重  
器傳代絕瑞旅之於中庭玉輦金轂翠冒黃屋交之於端路庶官  
百辟羗夷蠻貊襲成之後讓王之客

鐵馬金鏃介冑如雪旗幟如火遠匝於清禁之野於是乎以天正  
上元法駕徐進屯千乘於平路留群臣於谷口皇帝御六龍臨萬  
仞獨與一二元老執事之人出天門臨日觀次沆瀣宿嶢嶸赤霄  
可接白雲在下庚寅祀高祖於上封以配上帝命衆官於下位以  
享衆神皇帝冕裘登壇奠獻俯僂叶金奏侑羽舞撞黃鍾歌大呂  
開闡闡與天語清將信公奉斗布慶懋建皇極勤恤蒼生昭報乎  
未兆禳災乎未萌上下傳節而禮成樂遍福壽同歸而帝賜神策  
乃檢玉牒於中頂揚柴燎於高天庶忠誠之上達若憑焰而駕煙  
日轡方旋神心餘眷五色雲起拂馬以隨人萬歲山呼從天而至  
地越翌日尊睿宗侑地祇而禮社首遂張大樂觀東右國風惟情  
無黜幽削爵之誅王澤惟新有青災大賚之慶不泯日至化洽於  
人心不崇朝景福遍於天下然後藏金匱於柘室迴玉鸞於上都  
煌煌乎直聖朝之能事而高代之盛節者也于斯之時華戎殊俗  
異音同歎曰兵合多兩山峻多雲豈有大舉百萬之師剋期千里  
之外及行事之日則天無點翳地無纖塵嚴冬變爲韶景寒風鬱

爲和氣非至德其孰能動天如此其順者乎昔人云自西自東自南自北無思不服今信知聖人作而萬物覩其心服之謂矣或曰祭泰折主先后非禮歟曰是禮也非宜也王者父事天母事地侑神崇孝無嫌可也且夫柴廬外事帝王主之蒸嘗內事后妃助之是開元正人倫革弊禮起百王之法也故令千載睹末光聆絕韻咀甘實漱芳濯漻玄妙之至精流不已之淑聲臣說作頌告于神明四皇墳而六帝典雖吉甫亦莫能名徒採彼輿人之詩曰大矣哉惟天爲大惟皇則之率我萬國受天之祺子孫百代人神共保綏之云爾而已矣

大唐封東嶽朝覲頌并序

蘇頌

封祀之山五在中國泰嶽首之昊穹之命再集巨唐皇帝受之臨位十四年考虞氏歲巡之義諷周王時邁之什十月辛酉步自有洛十一月景戌帳殿齋於岳趾淵默以清繹思而照將紀功布度順斗承天精享也已丑宏觀軼區宇成盛儀振開闢高臨建鳳萬張皇以燭山上御飛龍百神翕習以扶道國合二藩后四髦士密

侍信臣高位危封臺列升陞不下王十以聖言冲邈瑞牒寶書誓之旨曰朕獲守丕業恐不克駿命惟上帝儲休錫蒼生無疆之慶朕之應古則秋之何哉屬寒馳迅颶露清終夕若掃若鋤晏然而已夷寅天官以錄王制協時嚴高祖以配之嗣高宗以陟之冕裘立珪璧房潔罍俎調鍾呂倨勾於篋虛夏擊季祝歆寶駢瑞兮物焜煌空薄霄兮音容與則纖塵不動和氣充塞日在於觀天爲之門揚日大光謂小天下昭以抱戴見之卿雷郁郁紛紛喜氣烟煜當之檢引紫重太紫洞而三辰接鬱蒼搖而萬歲聞自下達上俟吾君君之來兮望如雲端兮睟聖之門至尊辛卯有事于社首以泰折如泰壇於穆我睿宗侑而作主奠獻嗚咽天子之孝也僉以金匱歸勛於祖禰石礪藏美於乾坤戒咸秩則司存癸巳載大旂合大樂三陔嶠以惟抗四亞鏘而輅止朝群收揆于官底邦賦數庭實華蟲辨等車馬來觀周人隨人二王之賓戎狄蠻貊萬里重譯必拱于著執贄奉璋顛顛昂昂靡敢息違乃建雞竿伐鼉鼓帝命出皇因溥揚巽風作解雨施舍之蕩滌之宥法罪除頽顛頽湧

洋溢周流黜對不崇朝而遍者與此山俱疇翳而不拔胡微而不  
輔也亦既稱壽申命宗伯咨爾頌焉効古之刻石臣頌稽首再拜  
而言曰臣聞昔在帝堯臣惟咎繇聰明之謂聖邁種之謂德天若  
曰依丁巨唐易姓者李王於中華崇功者唐聖之澤德之浸也我  
唐祚之興昌符誕膺兩儀動六葉承皇帝宣高祖四宗之景烈肇  
開元神武之明號廣矣大矣莫有不寧罔有不併咸一德之轉不  
二心之臣群后抗詞曰臣聞先王因天事天因地事地因名山升  
中于天陛下得天之經得地之義得人之行行也者孝莫大焉兼  
三才以爲政政也者仁莫大焉含萬物以爲性今三才真萬物亨  
六典平九功成官不滔獄不放至于刑清良有以也因斯而談清  
明在躬志氣如神之睿者君也四國于藩四方于宣之美者臣也  
有物有則我君臣保乂之原所由於前設其教於後亦往歲邦危  
中否天討內難陛下提三天之劍排閭闔絕鈎陳趨北軍正北  
然後重翼乾乾尊尊親親立我蒸人聖考所以付天下之公器  
汾陽之清塵唐雖舊邦其命惟新古者振兵釋旅祠士祈穀先事

也我是以幸太原祭汾雖耀金甲肅邊鄙羣鳥龍言而不敢南向  
解嚴京師獲寶鼎獻宗廟戍人歸而盡務東作報福京坻於是乎  
爰佐五時郊天以奉時爰崇九室禘祖而敬思昭格遲遲神人允  
釐無何籍三春盛六穗不召斯至擁休之類如山則委易月而秘  
豈非享物降嘉司火也立渾同度在璿也陛下姑謂之薄臣所未  
諭且管氏註齊帝王凡八十九湮淪鬱沒孰若致美我高宗勤  
甲子正六十眸蠻歲誕故能應期我神武惟繼代奉業增高保  
鴻缺乎中何也即先后以權斬是阻于運二宗紹復未遑厥功神  
之契不在諸子而當聖躬固不可辭者審矣帝曰俞畏德之不稱  
而左輔右弼雜指神鴻碩之倫抱慈懷書丞雲吐露務方集賢內殿  
講議前席以論之傳不云乎君手勤禮敬之至也易不云乎先王  
作樂豫以動也值矣哉禮樂之爲用故執禮者吳剛弊則質宜之  
自我變樂者理去商何害謙以爲臣二者洽而三讓之制曰可始  
嚴鹵簿騰七萃啓禁關迴九重以聽乎繚鳥聲之雍雍匪疾匪徐物  
有其容動植讚華更觀駢闐總搏羨漫半散出成阜半踰榮波漲

滑臺眺洪河遂並昆吾之墟徜徉乎大舜之澤瀕四瀆二濟入于  
充徑九二三齊高於岱推二旬有六而頓行在莫不踳踳華皓如  
薤傾陽或牽以籟或捧之觴僂僂乎康莊一以伸神武之今日一  
以感乾封之舊章迺餽歸之觴舉之慈且惠而與之驩沸渭頡頏  
矧國鄒魯家洙泗乘汶野而圖記可知指泮林而頌聲不墜以周  
公之故將孔子之後翹然希王者之屬車聖人之清蹕則久及信  
伯之應巖巖所瞻宗神曰天齊王加一等於三事戶二十供王  
祀環十里禁人樵報也大裡旅之數重褒成之祿撫遺旺賜之復  
帝曰吁夫艱難繫三業休咎牽人事況天監之殊祥也殊典也不  
自滿而虔聳乎位朕寶臣曰乾曜洎說有初有終時乃風斂哉汝  
作朕左右丞相繫汝忠益以嘉猷補袞之闕罔或怠遂弘天封煥  
天意象介立而旋德陽大饗乎群方程後代美其律聲其實墳作  
四而籍言七也臣頌不敏繼伯夷之直清微太史之留滯聆金奏同  
百獸之舞振木鐸採萬人之詩敢陳詩以頌曰  
天子聖考天孫宗登以封焉報以功受命再惟皇代天之齊真人所

載士馬山嶸戈矛山沓禎符山雜靈響山峇天與人合我鍊衍兮  
長粹清太元冊兮太一精休光光我之慶成舜四朝而禹萬國莫  
之我京

文粹卷第十九下

四

